

海豐吳氏石蓮盦彙刻九金人集

遺山集

第三冊



遺山先生集卷第三

元張德輝頤齋類次

平定後學

張穆廉友校梓齋

七言古詩

虞坂行

丙子夏五月將南渡河  
道出虞坂有感而作

虞坂盤盤上青厓，厓上車蹤淡一尺。當時騏驥知柰何，千古英雄淚橫臆。龍蟠於泥易所歎，麟非其時聖爲泣。玄龜竟墮余且網，老鳳常飢竹花實。天生神物似有意，驗以乖逢知未必。若論美好是不祥，正使不逢何足惜。孫陽騏驥不並世，百萬億中時有一。乃知此物非不逢，轅下一鳴人已識。我行坂路多，閱馬敢謂羣。空如冀北孫陽已矣，誰汝知努力。鹽車莫稱屈。

畫馬爲邢將軍賦

遺山先生集

卷三

陽泉山莊

大宛城下戰骨滿，駑駘入漢龍種藏。將軍此紙何處得，便覺房駟無光。人馬中兩勅敵，天門雁門皆戰場。并州父老應相望，早晚旌旗上太行。

秋蠶

室人篋中無寸縷，一箔秋蠶課諸女。朝來餉卻上馬桑，隔簇仍聞竹間雨。阿容阿璋墨滿面，畫徹灰城前致語。上無蒼蠅下無鼠，作繭直須如蠶。許東家追胥守機杼，有桑有稅吾猶汝。官家恰少一絢絲，未到打門先自舉。

南溪

南溪酒熟清而醇，北溪梅花發興新。前年去年花下醉，今年冷落花應嗔。梅花娟娟如靜女，寂寞甘與荒山鄰。詩人愛花山亦好，幽林穹谷生陽春。風鬟戔戔一尺雲，芳香幽臥如相

親山堂夜半北風惡一點相思愁殺人

送郝講師住崇福官

郝平晉人

大方之家幾知津郝君七十老躡輪書文五車隊三尺劇談  
混沌今猶神太玄博士爲絕倒君言夸矣天公嘆長安冠蓋  
羅青雲洛陽車馬爭紅塵怪君掉頭不肯住寂寞來作由東  
鄰崧高維岳古所秩三十六帝有外臣立都戶壇待鸞馭官  
殿突兀松輪困上界僊人鄧雲山洞天治所名司眞蓬萊方  
丈去不遠明星玉女時相親瑤華可擷蘭可紉煙霞永隔塵  
中人黃鶴一去不復返白鷗萬里誰能馴爲我殷勤謝鄧君  
玉華歲晚當平分

范寬秦川圖

張伯玉歿後同麻徵君知幾賦

亂山如馬爭欲前細路起伏蛇蜿蜒秦川之圖范寬筆來從

遺山先生集

卷三

一

陽泉山莊

米家書畫船變化開闔天機全濃澹覆露清而妍雲興霞蔚  
幾千里著我如在峩嶢巔西山盤盤天與連九點盡得齊州  
煙浮雲未清白日晚矯首四顧心茫然全秦天地一大物雷  
雨瀆洞龍頭軒因山分勢合水力眼底廓廓無齊燕我知寬  
也不辨此渠寧有筆如修椽紫髯落落西溪君長劒倚天冠  
切雲望之見之不可親元龍未除湖海氣李白豈是蓬蒿人  
愛君恨不識君早乃今得子胸中秦作詩一笑君應聞  
子七年前  
過鄆城伯玉知子來而都無賓主意子亦偃蹇而去爾後雖  
願交而髯歿矣未嘗不以為恨也今日子思兄弟出此圖求  
子賦詩酒惡無聊中勉爲賦此畫本米元章家物有韓子蒼  
題名元章以為中立而元暉以為中正以予觀之此特張翥  
胸中物耳知者當不以吾言爲過云

赤壁圖

馬蹄一蹴荆門空鼓聲怒與江流東曹瞞老去不解事悞認

孫郎作阿琮孫郎矯矯人中龍顧盼叱咤生雲風疾雷破山  
出大火旗幟北捲天爲紅至今圖畫見赤壁髣髴燒虜留餘  
蹤令人長憶睂山公載酒夜俯馮夷宮事殊興極憂思集天  
澹雲間今古同得意江山在眼中凡今誰是出羣雄可憐當  
日周公瑾憔悴黃州一禿翁

寄荅溪南詩老辛愿敬之

五年不隨溪南渡日夕心馳洛西路山中今日見君詩惆悵  
良辰又相悞龍蛇大澤變風景虎豹天門鬱煙霧丈夫不合  
把鉏犁青鬢無情忽衰素平泉漫作窮愁志笠澤休題自憐  
賦長安正有五侯鯖醜誰能作樓護青燈老屋深蓬蒿蠅  
蝠掠面莎雞號劒歌夜半激悲壯松風萬壑翻雲濤區區墓  
上曹征西我知慚媿王東臯人生只有一杯酒螟蛉螺贏安  
遺山先生集卷三  
三  
陽泉山莊

能豪

西園

興定庚辰  
八月  
中作

三

陽泉山莊

西園老樹搖清秋畫船載酒芳華遊登山臨水祛煩憂物色  
無端生暮愁百年此地旃車發易水迢迢雁行沒梁門回望  
繡成堆滿面黃沙哭燕月瑩瑩一炬殊可憐膏血再變爲灰  
煙富貴已經春夢後典刑猶見靖康前當時三山初奏功三  
山宮闕雲錦重壁月瓊枝春色裏畫欄桂樹雨聲中秋山秋  
水今猶昔漠漠荒煙送斜日銅人攜出露槃來人生無情淚  
沾臆麗川亭上看年芳更爲清歌盡此觴千古是非同一笑  
不須作賦擬阿房

愚軒爲趙宜之賦

心生心化誰搏控舉世倏倏皆大夢百年只辦作朝三爭識

羣狙先汝弄人人具此清淨眼矣翳無根嗟自種天機嗜欲  
涇渭雜道念紛華鄒魯闢令人卻澹愚軒愚一蹴藩籬開廓  
空愚軒虛室久生白掌上精真兀自洞氣徒神火俱長物豈  
有古方傳魯宋人言此眼本無負死恨冥行人所共智愚何  
豫阿堵中或者枯樸賢抱甕病瘖能指跛能履肩睫雖存寧  
復動我云俗士蔽一曲全笑不全從古眾渠儂六鑿日相攘  
內不鏘銖徒外重守宮緣壁夸覆射懸蝨如輪規命中天和  
一洩不知止膏火自焚良可痛從教目比方相多纔與瞽師  
論伯仲先生真是有道者老境一愚聊自送五官止廢而神  
行就令有眼將無用寄謝諸方五味禪葛藤莫作金鎚頌

雙峯競秀圖爲參政楊侍郎賦

江煙霏霏雲拂戶山木蕭蕭山鬼泣江岸人家失南北兩峯

遺山先生集

卷三

四

陽泉山莊

突兀何許來元氣淋漓洗秋碧畫家晴景費經營共愛移山  
入杳冥安得北風吹雨去倚天長劍看崢嶸

西窗

西窗鳥聲千種好樹影離離動微風青山滿前掩書坐欲話  
懷抱無人同花枝不笑綠鬢改尊酒自與黃金空少年樂事  
總消歇落日澹澹天無窮

二月十五日鶴

九龍岡上玄元祠人言尊像神所遺年年二月降靈鶴來無  
定數有定期城頭曉露生新警萬首望穿雲際影不知濁世  
誰下臨只許霜毛見修整戶壇花落松風冷戛然長鳴人語  
定百年鷲老誇見聞萬里黃冠赴靈應只從游騎突重圍城  
郭併與人民非可憐侈殿荒墟裏無復當年丁令威

欽聞叔在華下

翰林倦人詩酒豪平生嵇阮參遊遨山中草棘滿霜雪可惜  
渠家宮錦袍聞君忍飢讀離騷思之不見心爲勞舉頭西望  
忽大笑太華落落長庚高

閩商卿還山中

阿卿去月從我來今日西山成獨往野人不是城中物澗飲  
巖棲夢餘想翰林溼新爆竹聲待詔履穿沾雪行蘭臺從事  
更閒冷文書如山白髮生孤燈靜照寒窗宿北風夜半歌黃  
鶴田家閉門風雪淡梅花開時酒應熟半世虛名不療貧棲  
遲零落百酸辛憑君莫向山中說白石清泉笑殺人

女几山避兵途李長源歸關中

山骨棱棱雪花白北風不貸單衣客與君此別欲何言若箇  
遺山先生集卷二

五

陽泉山莊

男兒不湮阮相濡相啣尙可活轢釜何曾厭求索從知蛟鱷  
無隱鱗芥視三山需一擘自古肌腸出奇策漢廷諸公必動  
色見君軒蓋長安陌

雪後招鄰舍王贊子襄飲

去年春旱百日強小麥半熟雨作霜青山無情不留客單衣  
北風官路長遺山山人伎倆拙食貧口眾留他鄉五車載書  
不堪煮兩都覓官自取恥無端學術與時背如瞽失相徒俚  
俚今年得田昆水陽積年勞苦似欲償鄰牆有竹山更好下  
田宜秫稻亦良已開長溝掩烏芋稍學老圃分紅薑宋公能  
詩雅好客勸我移家來水旁一間入手豈易得夢中我馬猶  
玄黃君不見并州少年作軒昂雞鳴起舞望八荒夜如何其  
夜未央賣刀買犢未厭早腰金騎鶴非所望河南冬來已三

白土膏墳起如蜂房崧山東頭玉旆出父老知是豐年祥南  
溪酒熟梅花香高聲爲喚牆東王便當過我取一醉聽歌長  
安金鳳皇鄰舍宋可字予之隱君子也并州少年謂李汾長源長安金鳳皇者齊梁間田舍兒所歌

半山亭招中梁飲

孤城鬱鬱山四周外人乍到如纍四半山亭前浙江水只可  
與君消百憂江山百年有此客雲樹六月生涼秋世上紅塵  
爭白日一工一壑去來休

鄧州城樓

鄧州城下湍水流鄧州城隅多古工隆中布衣不復見浮雲  
西北空悠悠長鯨駕空海波立老鶴叫月蒼煙愁自古江山  
感游子今人誰解賦登樓

宛工歎

遺山先生集

卷三

六

陽泉山莊

秦陽陂頭人迹絕荻花茫茫白於雪當年萬家河朔來盡出  
牛頭入租帖蒼髯長官錯料事下考大笑陽城拙至今三老  
背腫青死爲逋懸出膏血君不見劉君宰葉海內稱飢摩寒  
拊哀孤愕碑前千人萬人泣父老夢見如平生冰霜執綉渠  
有策如我錄錄當何成荒田滿眼人得耕詔書已復三年征  
早晚林間見雞犬一犁春雨麥青青髯李令南陽配流民以牛頭租迫而逃者餘萬家劉雲卿御史宰葉除逃戶稅三萬斛百姓爲之立碑頌德賢不肖用心相遠如此李之後十年予爲此縣大爲逋懸所困辛卯七月農司檄予按秦陽陂田感而賦詩李與劉皆家宛工故以宛工嘆命篇

游黃華山

黃華水簾天下絕我初聞之雪溪翁丹霞翠壁高歡宮銀河  
下濯青芙蓉昨朝一游亦偶爾更覺摹寫難爲功是時氣節  
已三月山水赤立無春容湍聲洶洶轉絕壑雪氣凜凜隨陰

風懸流千丈忽當眼芥蒂一洗平生胸雷公怒擊散飛電日  
脚倒射垂長虹驪珠百斛供一瀉海藏翻倒愁龍公輕明圓  
轉不相礙變見融結誰爲雄歸來心魄爲動蕩曉夢月落春  
山空手中僊人九節杖每恨勝景不得窮攜壺重來巖下宿  
道人已約山櫻紅

巨然松吟萬壑圖

胸中刺鯁無九澤畫裏風煙纔一漚阿師定有維摩手斷取  
江山著筆頭斤林蒼蒼厓寺古銀河浩浩松聲秋方外賞音  
誰具眼莫將輕比李營工

密公寶章小集

天東長白大寶幢天河發源導三江有木蔽映山朝陽云誰  
巢者雛鳳皇雲閒吐氣日五色百鳥不敢言文章名都盤盤  
遺山先生集 卷三 七 陽泉山莊

魏大梁黃金里第羅康莊王家書絕畫亦絕欲與中祕論低  
昂密公書院無絲簧窗明几潔凝幽香元光以後門鑰廢文  
士稍得連壺觴客來喜色浮清揚典衣置酒餘空箱生平俊  
氣不易降眼中俗物都茫茫淵明素琴嵇阮酒妙意所寄誰  
能量在昔武元握乾綱扶桑爲弓射八荒獵取大國如驅羊  
取一民風朴魯資鷺彊文洽未及武尅剛興陵之孫越王子  
天以八瑞歸明昌十二執經侍帝旁十八健筆陵阿房撐腸  
文字五千卷靈臺架構森鋪張高陽苗裔襲胤芳胡不置之  
貢玉堂袖中正有活國手地下纔得修文郎悲風蕭蕭吹白

楊正山零落可憐傷承平故態耿猶在拂拭寶墨生輝光

似如庵蓮榻坐一甌春露澹相念明昌寶玩羣玉中祕內府  
圖書印也越邸有柳公權

紫絲鞋歐率更海上楊凝式乞花等帖然獨推元章華佗爲  
古今絕筆宋畫蕭山水以李成爲第一國朝張太師浩然王

內翰子端奉旨品第書畫謂成筆意繁碎有畫史氣象次之荆關范許之下密公識賞超詣亦以此論爲公郭乾暉雀棘公以爲當在太古無上唐以來諸人筆虛筆實皆非其比故子詩及之榜軒公自號也又所居有如庵詩集號如庵小稿越王諸子惟榜軒貧甚典衣沽酒之句蓋實錄云甲午三月二十有一日爲輔之書于聊城至覺寺之寓居

### 荆棘中杏花

牆東荒溪抱邨斜荆棘狼藉盤根芽何年丹杏此留種小紅  
澱澱爭春華野人慣見諛不省獨有詩客來咨嗟天真不到  
鉛粉筆富豔自是宮闈花曲池芳逕非宿昔蒼苔濁酒同天  
涯京師惜花如惜玉曉擔賣徹東西家杏花看紅不看白十  
日忙殺遊春車誰家園亭有此樹鄭重已著重幃遮阿嬌新  
寵貯金屋明妃遠嫁愁清笳落花縈簾拂牀席亦有飄泊沾  
泥沙天公無心物自物得意未用相陵誇黃昏人歸花不語  
唯有落月啼棲鴉

遺山先生集

卷三

八

陽泉山莊

太白獨酌圖

宣和所藏  
李伯時筆

謫僊去世二百年海中鯨魚渺翩翩豈知龍眠天馬筆忽有  
玉樹秋風前金鑿歸來身散僊世事悠悠白髮邊會稽父老  
何處在千里名山入酒船清景已隨詩句盡風流合向畫圖  
傳往時長安酒家眠焦遂不狂張不顛想得三更風露下醉  
和江月弄江煙

松上幽人圖

宋宗婦曹夫人仲婉所  
畫上有曹道冲題詩

秋風謾謾松樹枝僊人骨輕雲一絲不飲不食玉雪姿竹宮  
月夕頻望祠竟不下視齋房芝人閒女手乃得之眼中擾擾  
昨暮兒畫圖獨在羲皇時予懷渺兮幽林思

送張君美往南中

南朝辭臣北朝客棲遲零落無顏色陽平城邊握君手不似

銅駝洛陽陌去年春風吹雁迴今年雁逐秋風來春風秋風  
雁聲裏行人日暮心悠哉長江大浪金山下吳兒舟船疾於  
馬西湖十月賞風煙想得新詩更瀟灑

戲題新居二十韻

去冬作舍誰資助縣侯雅以平原故賢郎檢視日復日規制  
從頭盡牢固南風一夕怪事發突兀赭垣殘半柱乞漿得酒  
過初望曲突徙薪忘後慮長淮千里燕巢林明月一枝烏遶  
樹東家老屋西北走眾木枝撐留少任由來馬隊非講肆況  
與虱牢通過路聚廬託處何暇擇重爲主人推獎悞夏秋之  
交十日陰抱被倚門愁旦暮君問新居在何許只去火餘纔  
數步學官分地與閒冷使館有牆遮雜汙就中此宅尤費手  
官給工材半僦屋十寒一暴半載強纔得安牀置鋪釜紛紛  
遺山先生集 卷三 九 陽泉山莊

贈蕭鍊師公弼

吾家阿京愛公弼吾家澤兄敬公弼半生夢與公弼游豈意

相逢在今日春風和氣在肩宇玉壺冰鑑藏胸臆人間萬事

君自知未必君材人盡識蘇門水木無纖埃聞君家近公和

臺仙家近日多官府黃帽青鞋歸去來時沈佛老家甚急故云

送弋唐佐董彥寬南歸且爲潞府諸公一笑

河汾續經名自重附會人嫌迫周孔史臣補傳人已出浮議

至今猶洵洵辭收文志誰所傳貴甚竹書開汲冢沁州厥後  
石故在爲隄爲甌吾亦恐暑塗十日來一觀面色爲鷲足爲  
腫淡公談癖何所笑但笑弋卿堅又勇自言浪走固無言遠  
勝閉門親細穴摩挲石刻喜不勝念卻崎嶇在岡隴潞人本  
淡新有社淡事重重非一種有人六月訪琴材不爲留難仍  
從史懸知蠟本入渠手四座色揚神爲竦他時記籍社中人  
流外更須增一董

蕭仲植長史齋

修武作

張顛飲豪傾四座脫帽狂呼誰敢和南宗北宗知幾人醉跟  
紛紛飛鳥過是公技進不名技元氣淋漓隨咳唾偶然捉筆  
本無意自有龍騫并虎臥當時誰有戰國策

長史帖云借戰國策可付之凡

七門外雷車忽驚墮天星無數不知名色正芒寒纔七箇蕭

遺山先生集

卷三

十

陽泉山莊

郎家世陵谷後爭信空囊蓄奇貨蕭齋故事今復舉未怕秋  
風吹屋成護持有物世共喜不獨一時爲子賀藏舟夜壑未  
厭深隄備有人來倚柁

送宋省參并寄潞府諸人

茅齋團團蝸殼大苦被傍人嘲塞戚官豪眼孔十萬緡未與  
書生供一唾長衫只辦包瘦骨故紙何緣變奇貨不因三致  
大耳兒老雪屯門甘凍臥國中腐鼠凡幾嚇玉上青蠅非一  
箇荆人美璞別之招君足幸存仍可賀雲間太行青在眼上  
客歸來傾四座因君寄問社中人前日淡公行復過

覓神霄道士古銅箭

雷章著土紛朱碧秋菌春蒲人不識若非儀狄墓中來應是  
杜康祠下得古人偶得酒之傳摸索飲器流饒涎巧偷豪奪

吾何敢他日酬君九府錢

賦澤人郭唐臣所藏山谷洮戶研研有銘云王將軍爲國開臨洮有司歲饑

可會者六百鉅萬其于中國得用者此研材也研作璧水樣

舊聞鸚鵡會化戶不數鵬鵠能瑩刀縣官歲費六百萬纔得此研來臨洮玄雲膚寸天下徧璧水直上文星高辭翰今誰江夏筆二錢無用試雞毛

贈休糧張鍊師

金沙霧散風雨疾一點黃金鑄秋橘中林宴坐人不知野鹿銜花蜂課蜜富兒盤饌羅羶葷擾擾飛蠅復聚蚊見說西山好薇蕨一枝青竹願隨君

天井關

戶澄盤盤積如鐵牛領成創馬蹄穴老天與世不相關玄聖遺山先生集

卷三

十一

陽泉山莊

栖栖此回轍二十年前走大梁當時塵土困名場山頭千尺枯松樹又見單車下太行自笑道塗頭白了依然直北有羊腸

遺山先生集卷之三

遺山先生集卷第四

元張德輝頤齋類次 平定後學張穆誦風校梓

七言古詩

讀書山雪中

前年望歸歸不得去年中途腳無力殘生何意有今年突兀  
家山墮眼前東家西家百壺酒主人捧觴客長壽先生醉袖  
挽春回萬落千邨滿花柳山靈爲渠也放顛世界幻入兜羅  
綿似嫌衣錦太寒乞別作玉屑妝山川人言少微照鄉井準  
備黃雲三萬頃何人辦作陳瑩中來與先生共炊餅陳先生  
貶官後

題商孟卿家明皇合曲圖

海棠一株春一國燕燕鶯鶯作寒食千古萬古開元日三郎

遺山先生集

卷四

陽泉山莊

擲管仰面吹天公大笑嗔不得寧王天人玉不如番綽樂句  
不可無宮腰不案羽衣譜疾舞底用牧豬奴風聲水聲闕清  
都夢中令人羨華胥何時卻竝宮牆聽不恨將身作李暮

過晉陽故城書事

惠遠祠前晉溪水翠葉銀花清見底水上西山如臥屏鬱鬱  
蒼蒼二百里中原北門形勢雄想見城闕雲煙中望川亭上  
閱今古但有麥浪搖春風君不見繫舟山頭龍角禿白塔一  
摧城覆沒僻王出降民不降屋瓦亂飛如箭鏃汾流決入大  
夏門府治移著唐明邨只從巨屏失光彩河洛幾度風煙昏  
東闕蒼龍西玉虎金雀觚棱上雲雨不論民居與官府僊佛  
所廬餘百所鬼役天財千萬古爭教一炬成焦土至今父老  
哭向天死恨河南往來苦南人鬼巫好禳祥萬夫畚鍤開連

岡官街十字改丁字釘破井州渠亦亾幾時卻到承平了重  
看官家築晉陽

蟾池

老墓食月飽復吐天公一日頻年瞥下界新增養蟾尸玉斧  
誰憐修月苦郡國蟾池知幾所碧玉清流水僊府小蟾徐行  
腹如鼓大蟾張頤怒於虎渠家肩間有黃乳膏梁大丁正須  
汝何人敢與月復離疾過池頭不容語向來屬私今屬官從  
今見臺當好看肥沙卽上青雲端

贈荅張教授仲文

秋鏡搖搖風拂席夜聞嘆聲無處覓疑作金荃怨曲蘭畹辭  
元是寒蟬月中泣世間刺繡多絕巧戶竹殷紅土花碧窮愁  
入骨死不銷誰與渠儂洗寒乞東坡胸次丹青國天孫線絲  
遺山先生集 卷四 一 陽泉山莊

高門關

高門關頭霜樹老細路千山萬山繞亂餘邨落不見人霰雪  
霏霏暗清曉莘川百里如掌平閒田滿眼人得耕山中樹蕊  
亦不惡誰遣多田知姓名許李申楊竟何得只今唯有戶灘  
聲許致忠楊湯臣申伯勝李仲常名宦四家隱  
盧氏時以多田推之亂後俱不知所在矣

甲辰秋洛陽得黃葵子種之南庵明年夏六月作花佛

經所謂閭浮檀金明靜柔軟令人愛樂者此花可以

當之因爲賦長韻余方以病止酒故卒章及之

芳粲泥露嬌黃溼五疊湘裙輕裝積晨妝午醉一日間白白  
紅紅總狼籍上陽宮女耍頭冠摹寫雖工破的難看來明淨  
復柔軟花中乃有閨浮檀千里移根洛陽陌主人不飲誰看  
客乞與金杯自傾側明年爲渠當舉白

馬嶺

僊人臺高鶴飛度錦繡堂傾去無路人言馬嶺差可行比似  
黃榆猶坦步石門木落風颺颺僕夫衣單往南州皋落東南  
三百里鬢毛衰颯兩年秋

予去歲往河南還  
奉亦取黃榆嶺路

雲峽并序

君璋啟事西涼占對稱首其還也行臺公以宣和寶卮爲  
賦奇秀溫潤信天壤閒之尤物君璋因之曰雲峽邀詞客  
賦詩余亦同作

遺山先生集

卷四

三

陽泉山莊

石盆清冷貯秋水水面蒼煙飛不起一堆寒碧几研閒寶氣  
崢嶸插箕尾中山雪浪空影像長安鸚鵡猶執綺枉著奇章  
甲乙中稿頂纔堪把耕耒不知天壤此尤物鬼刻神刻通有  
幾薰蒸似欲出泉脈瑩滑定應凝石髓剝裂雯華漬月秋辛  
苦詩僊費摹擬車箱箭筈連西東仇池百穴窗玲瓏飛墮不  
嫌靈鷲小奇揆已覺太湖空故都喬木今如此夢想熙春百  
花裏膏血綱船枯九洲亾國愁顏爲誰洗主人天質粹以溫  
天然與山作知間退食從容北窗臥今古起滅眞浮雲

仙人  
王子

可賦石淙有石裂  
雯華漬月秋之句

雲巖并序

觀州倅武伯英崢嶸人少日舉進士有詩名其賦翦燭刀  
有啼殘瘦玉蘭心吐蹴落春紅燕尾香之句甚爲時輩所

稱家故饒財第宅園亭爲河東之冠貯書有萬卷樓嘉花  
珍果悉自他州移植爲人多伎巧山水雜畫斷琴和墨皆  
極其工嘗得宣和湖石一竅竅穿漏殆若神劖鬼鑿炷香  
其下則煙氣四起散布檠水上濃澹霏拂有江煙疊嶂之  
韻吾鄉衣冠家法畫名畫及藏書之多亦有伯英相上下  
者伯英獨恃寶石以擅奇汾晉間耳興定末伯英歿於關  
中楊戶部叔玉購石得之王辰圍城中以示余且命作詩  
危急存亡之際不暇及也乙巳冬十一月來東平過聖興  
張君之新軒而此石在焉聖與名之曰雲巖余問石所從  
來聖與言夏津王帥得之汴梁泥塗中而以見貽余因歎  
一物之微經歷世變遷徙南北乃復爲好事者之所寶玩  
似不偶然乃爲詩道其故聖與三世相家以文章名海內

遺山先生集

卷四

四

陽泉山莊

其才情風調不減前世賀東山晏叔原故卒章以蕭閒明  
秀峰故事屬之

壺中九華玉孱顏紫煙著水往復還小窗虛明澹相對不數  
漢宮銅博山會稽禹穴溪無底寶石偷來定山鬼一堆寒碧  
殊不凡滿谷春雲更堪喜阿欣秀發見眉宇小杜才情淪骨  
髓摩挲不作几上看綠白紆便千里渾沌日鑿餘空嵌漏  
天蒸溼纏風嵐世外元無種香國海內真有補陀巖觀州愛  
玩頻瀟祓民部平生幾薰沐藏身夜壑未厭淡竟作新軒坐  
中物一天星月入金尊翠射娉婷自有人只欠宣和鄭先覺  
爲君留寫五湖真

劉遠筆

老鏡力能舉玉杵文陣挽強猶百鈞惜哉變化太狡獪嚮也

褐衣今虎文宣城諸葛寂無聞前後兩劉新冊勳謝郎神鋒  
恨太雋雖然豈不超人羣三錢雞毛吐皇蹟尖奴定能張吾  
軍何時酌我百壺酒爲汝醉草壘天雲狡僧變化事  
見麻姑傳

贈周良老

于公斷獄多平反高門大車在乃孫我居聊城彼二載喜見  
周叟醇而溫十年大理書上考宜有陽報如于門大兒書來  
問安否兵饑不死天所存鄭孫毛骨殊秀發寶氣鬱鬱含朝  
嗽機聲啞啞聒朝昏種瓠五戶當酒尊是翁福祿知未艾昆  
弟和樂連株根白髮阿兄應念我南雲寂寞賦招魂

鴻溝同欽叔賦

劉郎著手乾坤了未害與渠分九州夸兒衣繡自楚楚作計  
豈復西鴻溝雌雄自決已無策尺寸必爭唯上流韓生已死  
遺山先生集 卷四  
言猶在千載令人笑沐猴

五

陽泉山莊

雪中自洛陽還嵩山

道人薄有塵外緣迫入塵埃私自憐三十六峯一茅屋夢裏  
西家掠社錢津津喜色見眉宇峩峩青城當眼前蹇驢徑入  
風煙去恰是梅花欲雪天

祖唐臣愚庵

小智眇篋盜所羞大智移國鬼與讎浮生匹絹兩孟粥心計  
擾擾知何求青州荊州兔三窟古人今人貉一丘喚起羅池  
柳夫子與君同醉訾家洲

過井陘

北山亭亭如驛驂南山耽耽虎翹首土門東頭望井陘漢家  
風雲自奔走市人豈識英雄材金鼓一朝天上來此山行人

萬萬古幾不磨滅隨蒿萊白鹿祠前一杯水蒼顏聊爲洗塵埃

北岳

大茂維嶽古帝孫大樸未散真巧存乾坤自有靈境在地位  
豈合他山尊中原旌旗白日暗上階樓觀蒼煙屯誰能借我  
兩黃鶴長袖一拂玄都門

天涯山

九州上游推大鹵獨恨山形頗椎魯天涯一峯今日看快似  
昂頭出環堵何年氣母此融結鬼鑿神鑿未奇古入窗玲瓏  
透朝日洞穴慘澹藏雷雨苔花錦戶粲可喜乞與雲煙相媚  
嫵半空擲下金芙蓉想得飛來自玄圃傳聞絕頂更靈異云  
是清都羣玉府五雲飛步吾未能風袂泠泠已輕舉東州死  
遺山先生集

卷四

六

陽泉山莊

愛華不注向在陋邦何足數敬亭不著謝宣城斷岸何緣此  
天姥酒船何時朝復暮倒卷滹沱浣塵土喚起山靈撻<sub>戶</sub>鼓  
漢女湘妃出歌舞詩狂他日笑遺山飯顆不妨嘲杜甫<sub>戶</sub>鼓

祠神

智仲可月下彈琴圖

莫春舞雩鼓瑟希琴語解吐胸中奇誰言手揮七絃易大笑  
虎頭真絕癡北風蕭蕭路何永流波湯湯君自狎三尺絲桐  
儘堪老兒童休訝鶴書遲

常山妖生四月能搗管作字筆意開廊有成人之量

喜爲賦詩使洛誦之

大兒小兒舞商羊東家西家捉迷藏牙牙作羣雁雁行是中  
乃有常山郎常山嬌嬌可憐蟲四歲未有二歲強黑鷹厥鷲

自神駿黃犢放脚須跳梁只知見紙卽塗抹誰謂轉腕能低昂渠家兩公破天荒劉輝夢靈果專場榮鄉亭中詩版在岐山名字香山香此即晚出西樞房虎穴虎子不可當天驚地怪見落筆便合抱送中書堂文星煌煌照燕南青青子衿滿恒陽教官連被鳳尾諾瑞物多生金粟岡兒曹變化不作難何必二十始乖張明年作字一丈大當有棱角垂光芒回頭卻看元叔綱鼻涕過口尺許長

常山白寓齋第三子叔綱遺山之季子也

贈利則侯神童

生二十四月識字子見時生二十一月識字無算

牙牙點妝杏蕾紅阿兄抱之來學宮今春學語語未正已能見書識名姓隨指隨讀無數重多生想會文字中極知之無不足訝更恐洛誦難爲功土中松粒龍爪脫萬牛工出起毫末君不見黃金寶鼎翡翠青未要春官許衣鉢人聞失卻麻遺山先生集 卷四 七 陽泉山莊

神童明星煌煌出蒼龍只知江陵圖籍盡一火誰謂死草生華風遺山老子未老在見汝吐焰如長虹

兒字金點

奚官牧馬圖息軒畫

曹韓畫搦出中祕燕市死骨空干金息軒筆底眞龍出凡馬一空無古今安閒自與人意熟瀟灑更覺天機淡奚官有知應解笑世無坡僊誰賞音

紫微劉丈山水爲濟川賦

畫家李范眞勅敵方外只今誰第一自非劉宗祭酒阜昌孫未信僊翁輕落筆長洲遠浦各清冷萬頃風煙一草亭千章古木散巖谷鶴髮松姿餘典刑紙尾不須題姓字人人知是老人星

王右丞雪霽捕魚圖

江雲澗澗陰晴半沙雪離離點江岸畫中不信有天機細向  
樹林枯處看魚浦移家媿未能扁舟蕭散亦何曾白頭歲月  
黃塵底笑殺高人王右丞

跋酒門限邵和卿醉歸圖

邵伯祿之父

邵翁頭白甫三十高吟大醉無虛日風流若似靖南湖每恨  
聞名不相識太平邨落自由身童稚扶攜意更眞醉歸圖上  
見顏色喜溢眉宇猶津津好著蹇驢馱我去與君同醉杏園  
春

題張彥寶陵川西溪圖

松林蕭蕭映靈宇爍戶流金不知暑太平散人江表來自詠  
清涼造僊府不到西溪四十年溪光林影想依然當時膝上

王文度五字詩成眾口傳忽見畫圖疑是夢而今塵土浣華

遺山先生集

卷四

八

陽泉山莊

顛本送字今改作浣字陵川在太行之顛蓋天饗間清涼境  
顛界也江淮太平散人題詩東廟自巳造仙府恨居民不知  
其樂耳此縣先君子舊治宴游西溪僕以童子待焉彥寶出  
此圖求賦詩感今懷昔爲之愴然故篇中有及癸五十一月  
三日

汝州倅韓君德華其十祖二世相遼封魯公故名其伯

男子曰魯王父命氏古蓋有之余過其家命魯出拜

謂余言魯名矣而未有字敢以爲請余字之世公德

華曰願終教之乃申之以辭

昌黎諸韓散盧龍魯公相遼開邑封雁行先後六侍中大參  
高文紀神功龜戶穹窿與天終百年故家餘素風汝州有子  
今成童攷古制名龜筮從貴以道義飭汝躬良璞不治凡石  
同貞而絕俗孰子容濟質以文介而通願雖宗起其起宗魯  
也不慚袁氏公

壬子冬至新軒張兄聖與求爲兒子阿平制名余名之  
曰琥以仲耽字之小字明復有善禱之義焉詩不工  
當令阿耽灑落誦之

阿平玉雪絕可憐皎如鶴雛下青田呼來拜客挽不前啼聲  
如聞過秦篇陳王人門漢韋賢新軒文筆尤翩翩大弔掛壁  
誰使然我知一經會有傳玄默之冬客須城問平之年纔五  
齡適公爲兒求制名兒名從虎玉與并仲耽爲字以字行佛  
書舊說無空青豈知空青今有形紫公紫公還我明看兒著  
脚青雲平

世宗御書田不伐望月婆羅門引先得楚字韻

瑤光樓前按歌舞桂樹秋香月三五白頭誰解記開元四海  
歡聲沸簫鼓兩都秋色皆喬木三月阿房已焦土天上亦有  
遺山先生集卷四九陽泉山莊  
別離情可是田郎心獨苦承平舊物霓裳譜寶氣暉暉映千  
古銀橋望極竟不歸滅沒燕鴻下平楚

送崔夢臣北上

子真抱關買臣負薪朝奏暮召名動縉紳此有志之士所  
以自奮於昌辰者邪夢臣崔卿玉樹清姿士門華胄成童  
授學與雞俱興肆筆成書倚馬可待雖泌水之洋洋堪樂  
舜門之穆穆方開惜歲月之虛捐欲雲霄之坐致遇順風  
而蹤大壑其孰禦之登金馬而上玉堂在此行矣詩以勸  
駕序寧闕乎癸丑二月望日新興元某序

并州書郎年少客細馬金鞭日三百生平意氣陵青雲未怕  
天山雪花白西園此日盛徐陳鳳閣鸞臺氣象新由來草創  
資潤色况復天造須經綸他日南歸吾未老與君同醉晉溪

春

送王彥華

中朝名勝龍山龔喜色門關得佳壻一朝天府效驅馳萬里

青雲在平地金粟岡頭俊造多莫從人品問如何迂齋受學

青衿日殿重遺山為拊摩東國人倫吾豈敢只憑月旦汝巍

科

李成之王彥華趙孝先以提學命見餉佳酒且求制名

輒以詩記之

子雲寂寞將誰親延之麤豪意自真君家公壻兩冰玉酒味

自合清而醇雲腴俗士無風神紅珠女兒茜裙新一杯香絕

韻亦絕只今惟有醱醪春

劉時舉節制雲南

遺山先生集

卷四

十

陽泉山莊

雲南山高去天尺漢家弦聲雷破壁九則之外更九則海色

激清映南極幽并豪俠意功名咄嗟顧盼風雲生今年肘後

印如斗過眼已覺烏鬢平諭蜀相如今老矣不妨銅柱有新

名

贈張潤之

許年不唱龍津第人物尤難到衰世明堂他日要榷楠造物

也須論蚤計晉人稟賦例真淳兒能讀書知養親遺山門客

富儒雅綠髮張郎名姓新莫道琴工有師法海山淡絕解移

人潤之資甚美故就其可致者而勉之他日學業有成老夫當以風鑒自負矣

許道寧寒溪古木圖

道人醉袖蟠蛟龍掃出古木牙須雄開卷飄飄來陰風羸卿

論畫凡馬空能知畫與詩同宗解衣盤礴非眾工遺山筆頭

有關全意匠已在風雲中留待他日不忽忽

送張書記子益從嚴相北上并序

子益省郎觀國之光從公子邁揚雄詞賦良借力於吹噓  
鄧禹功名本無心於祿仕詩以送別亦以趣其歸云

故家人物饒奇俊聳壑昂霄今已信康侯晝接拜寵光百里  
自應沾海潤六月貂裘風雪淡天河天暵日駸駸莫把聲華  
動臺閣東方書檄要陳琳

贈別孫德謙

津橋垂楊雪花白挽斷春衫苦留客西湖一雨春意濃絕似  
銅駝洛陽陌湖亭轟醉臥春風到手金杯不放空鵲山一帶  
傷心碧羨殺孫郎馬首東

汾亭古意圖

遺山先生集

卷四

十一

陽泉山莊

堯民義皇去未遠日作日息天機全杜侯袖裏姑汾筆辦與

南華談宥然廢典知經幾今昔淳樸別有一山川白雲亭上

秋風客不比僂翁甲子年元祐以來郭熙明昌泰和間張公

雲中杜丈莘老與張郭年相若而畫品不下古人為侯廣道

作汾亭古意橫披灑然有塵外意為題四韻其後神仙張果

生帝堯甲子年詩家亦  
傳習用之故未句有及

大原贈張彥遠

井州城邊十月末清霜稜稜風入骨因君夜話吳江春酒光

激盪金杯滑閑閑騎跡去滅沒當年愛君俊於鶻平生我亦

識翁人惆悵流年如電抹官家新築文昌臺蒼生不憂墮顛

匡眼看東閣奇士滿如君豈得藏蒿萊晨雞未鳴子當發明  
星煌煌大於月野夫一笑冠纓絕

換得雲臺帖喜而賦詩

周官武臣奉朝請劍佩束縛非天真世間曾有華陀帖神物  
已化延平津米狂雄筆照萬古北宗草書纔九人今日雲臺  
見遺墨黃金牢鎖玉麒麟

鹿泉新居二十四韻

土門西邊井陘渡野日荒荒下汀樹榆關戶嶺都幾程客夢  
往往迷歸路塵埃風雨半生過儘著筋骸支世故寧州假館  
又兩年未保東來不西去山城百家家有山靚面呈山誰一  
顧賣書買得呂氏園不謂全山舉相付北厓老作土灰色擁  
腫形模一夸父娟娟正有小娥娟卻立不容親杖屨就中抱  
犢尤峭拔望見韓山卽攀附韓王砦頭四望闕全趙米如纔  
數聚眼中麾蓋天上來泚水鼓旗紛偃什漢家威靈萬萬古  
斥子連岡猶虎距夏秋眾壑會鹿泉浩浩湍聲瀉餘怒西南  
遺山先生集 卷四 十一 陽泉山莊

諸峯不知數蕩海鯤鱷尻背露霏煙空翠有無中百態陰晴  
變朝暮靈巖龍泉會一到獨欠封龍展衰步學僊不愛徐童  
花李相書龕心所慕生平懷抱向山盡老氣崔嵬如有助巖  
居枯寂朝市喧喧寂兩閒差有趣得行罔願留不惡流坎且  
當隨所遇何曾萬錢何用許方丈有山容下筓管城初無食  
肉相黃帽非供折腰具明年高築野史亭天已安排看山處  
多慙不及謝宣城標出敬亭天一柱一本尚慙不及謝宣城  
標出敬亭天一柱在方

丈有山容  
下筓之下

過劉子中新居

鄆州城隅兩茅屋市聲喧喧自幽獨春風吹盡山杏花只有  
青青一叢竹先生愛畫如惜玉練鵲翔鸞餘百軸大兒跟鐙  
挾書歸土銜疏煙纔一粥微官枉負半生閒也著區區簿領

問何時卻與溪南老紫蓋山前共往還

子中舊與溪南詩老  
辛敬之游故有下句

東湖次及之韻 以下續編

西山山頭山月白倒影漣漪舞寒碧竹溪花島要君詩醉墨  
幾番枯研滴東湖佳處詩已盡矯首不知川路隔當年韓賈  
文章伯物色分留到佳客此州何必減蘇州頗有詩人來列  
職一時人境偶相值萬古風流餘此席三堂風月今猶昔擬  
拂塵纓問投跡因君寄謝使君公卻恐他年厭求索

贈郝萬戶

阿卿袖中五色筆弦聲裂戶雷威壁繡衣千騎東方來俊氣  
崢嶸蜀山碧詩書義府無古今祭遵軍中亦歌吟密侯勳業  
君自識計算不數韓淮陰莫看仁柔行儒雅朱輪畫轂見大

心鄧禹封  
高密侯

遺山先生集

卷四

十三

陽泉山莊

王學士熊岳圖

洗瀆池水甜於蜜玉堂仙翁髮如漆膝前文度更風流盡卷  
風流入詩筆長松手種欲摩天海岳樓空落照邊古來說有  
遼東鶴仙語星星誰爲傳五百年間異人出卻將錦繡裏山

川

贈史子桓尋親之行

七十老親頭雪白滿意晨昏慰顏色冥塵溷洞君不憂萬里  
天心不相隔八月秋霖九月霜破帽北風官路長瓜田故侯  
貧且病愛莫助之徒自傷後日書來聞吉語通家猶得似南

陽

遺山先生集卷第四

遺山先生集卷第五

元張德輝頤齋類次 平定後學張穆頤洲校梓

雜言

去歲君遠游送仲梁出山

去歲君遠游今年客它州青天萬古一明月只與行人人生暮  
愁問君游何許情多地遐兮偏處處金鞭斷折騏驥死萬里  
長鴻思一舉憶初識子梁王臺清風入座無纖埃華嶽峯尖  
見秋隼金眸玉爪不凡材西園日晴花滿煙五雲樓閣三山  
巔玉樹瑤林照春色青錢白壁買芳年三年一夢南陽道沐  
水迢迢入秋草拏雲心事人不知千首新詩怨枯槁破屋仰  
見星疏衾風露清匣中有長劍爲君鳴不平泥途久辱思一  
濯去去學足皆清冷鄧州大帥材望雄愛客不減奇章公軍  
遺山先生集 卷五 一 陽泉山莊

中宴酣筵鼓競銀燭吐焰如長虹幕中多士君又往談笑已  
覺南夷空東州春回十月後梅華分香入春酒平生得意飲  
與京青眼高歌望君久浙江南下青云汜石門細路蒼煙屯  
五松平頭白日靜千山萬山如亂雲菊源不逐時事改芝嶺  
自與商顏鄰他日相思一回首漁舟時問武陵人  
欽謂欽叔  
京卽京父  
也樂天書以  
微之爲徵

此日不足惜

此日不足惜此酒不可無頗怪昌黎公亦復爲世儒天生至  
神物與人作華胥一酌舌本彊二酌燥吻濡三酌動高興四  
酌色敷腴連繇五六酌枯腸潤如酥眼花耳熱後萬物寄一  
壺十酌未渠央百觚亦奚拘人生一世間忽若過隙駒有酒  
不解飲問君誰與娛君不見東家騎鯨李膽滿六尺軀萬言

黃石策入陣夔州圖酒酣起舞不稱意長吁青雲指夷吾又  
不見西家紫髯郎老氣雄萬夫狂歌飲燕市擊筑聲鳴倚  
天長劔插少室頗欲四海皆東湖鷹揚虎視今焉如河山永  
隔黃公壚銜杯直待秋井塌青苔白骨憐君愚少年覓計生  
白鬢捫參歷井無危途榮不滿睫良區區就令一朝便得入  
州督爭似高吟大醉窮朝晡餘名安得潤枯骨四十豈不知  
頭顱此日不足惜此酒不可無太虛爲室月爲燭醉倒不用  
春風扶

送希顏赴召西臺兼簡李汾長源

昨日游崧邱今日西臺行勞生好夢亦大小枕中馬嘶車鐸  
鳴山林之樂無虧成胡爲解蘭縛塵纓蒼生望君須一起我  
知無地逃功名關中得君作金城氣象已覺西山平諸人誰  
遺山先生集 卷五 二 陽泉山莊

出仲卿右一座想爲相如傾風華浩蕩春冥冥馬頭僊掌遙  
相迎長安市上見李白爲我一醉秦東亭

嵩山玉鏡

玉鏡見何許今旦東山陞積雨洗昏霾旭日發光輝光輝奪  
人目灑灑如動移初如秋月圓漸如曙星微曙星不能久併  
與晨露晞此鏡何從來造化秘莫窺山精或寶氣恍惚令人  
疑誰爲問岳祇山川英秀會有歸不能生申與甫瑞王國萬  
丈光芒徒爾爲

虎害

北山虎有穴南山虎爲羣目光如電聲如雷倚蕩起伏山之  
根百人一飽不畱骨敗衣墜絮徒紛紛空谷絕樵聲長路無  
行塵呀呀垂涎口耽耽闖城闈天地豈不仁社公豈不神哀

哀太山婦叫斷秋空雲可憐封使君生不治民死會民世上  
無復裴將軍北平太守今何人

飲酒

江南秋泉雲液濃遼東抹利玉汁鎔椰瓢朝傾荔支綠螺杯  
暮捲珍珠紅此酒誰所畱今日乃汝逢僊人一丸藥洗我芥  
蒂胸金沙一散風雨疾世事盡與浮雲空東家劉伯倫西家  
王無功醉鄉日月萬萬古眼中擾擾誰爲雄人會有歸盡飲  
不飲所同所恨獨醒人百年枯槁中獨醒恨未通獨醉恨未  
公安得清江變醇酎盡回天地入春風

送高信卿

高卿去歲山中居椽朝栗暮分猿狙今年移家入城市甌中  
生塵釜生魚文窮智亦窮五鬼更嘯呼迺翁延客著上座兩  
遺山先生集

卷五

三

陽泉山莊

兒已復遭擲揄三冬兔園冊牧豎叫語麤溼薪煙滿眼破硯  
冰生鬢賣符與行藥不養堂堂軀無衣思南州千里走單車  
我嘗相夫君不是山澤臞十八學擊劍二十了陰符平生結  
友王與李袖中頗有魚麗圖文武志膽誰不如不能拔劍斫  
蛟鱷亦當赤手降於菟胡爲堅坐守寒饑坐令兒女悲窮途  
萬事餽塗酒一壺別時聊爲鼓隳胡中原麟鳳今如此莫道  
皇家結網疏

寄趙宜之

趙時在  
盧氏

大城滿豹虎小城空雀鼠可憐河朔州人掘草根官煮弩北  
人南來向何處共說莘川今樂土莘川三月春事忙布穀勸  
耕鳩喚雨舊聞抱犢山摩雲出蒼稜長林絕壑人迹所不到  
可以避世如武陵煮椽當果穀煎尤甘飴錫此物足以度菴

歲況有麋鹿可射魚可罾自我來嵩前旱乾歲相仍耕田倉  
不足又復違親朋三年西去心籠禽念飛騰一瓶一鉢百無  
累恨我不如雲水僧崧山幾來層不畏登不得但畏不得登  
洛陽一管秋風起羨煞吳中張季鷹

段志堅畫龍爲劉鄧州賦

豬龍可豢亦可屠世人畫蛇復畫魚天飛忽入阿堅筆始覺  
眾史欺庸愚腥風萬里來白浪橫江湖一麾走海若再顧失  
天吳浩蕩明河翻尾鬣慘不濡只愁紙上出雷火搏控大千  
如此珠天生神物與化俱滅沒變見何所無逆鱗自古不受  
觸乃今縮頭隨卷舒怪得堂堂髯御史平生長有雨隨車

送詩人秦略簡夫歸蘇墳別業

三月不見君渴心欲生塵論文一尊酒雅道誰當陳昨朝見  
遺山先生集

卷五

四

陽泉山莊

君臨水句乃知抽青配白非詩人南山明月北山雲恨君不  
作由東鄰擊鮮爲具非無好事者天隨杞菊年年新石田茅  
屋連蘇墳兩兒力耕足養親君詩或者昌晚節不應道路長  
遂遂白髮刀騷一幅巾豐年鄉社樂間身蹇驢駝入醉鄉去  
袖中知有睂山春

紀子正杏園燕集

甲午歲

紀翁種杏城西垠千株萬株紅豔新今年寒食好天色曉氣  
鬱鬱含芳津天公自愛此花好朝薰暮染煩花神融霞暈雪  
一傾倒非煙非霧非卿雲未開何所似乳兒粉妝淡絳脣能  
啼能笑癡復驗畫出百子元非真半開何所似里中處女東  
家鄰陽和入骨春思動欲語不語時輕顰就中爛漫尤更好  
五家合隊號與秦曲江江頭看車馬十里羅綺爭紅塵陽平

一邑多詩豪主人買酒邀眾賓花時有成約恨少楊子張吾  
軍落花著衣紅纈紛四座慘澹傷精魂花開花落十日耳對  
花不飲花應嗔愛花常苦得花晚爭教行樂無間身芳苞一  
破不更合且看錦樹烘殘春

送李參軍北上

五日過居庸十日渡桑乾受降城北幾千里出塞入塞沙漫  
漫古來丈夫淚不灑別離間今朝送君行清涕畱餘潛生女  
莫作王明君一去紫臺空佩環生男莫作班定遠萬里馳書  
望玉關我知驥子墮地無齊燕我知鴻鵠意氣青雲端草間  
尺鷃亦自樂扶搖直上何勞搏一衣敝緼袍一飯苜蓿盤歲  
時壽翁媪團欒有餘歡就令一朝便得入州督爭似綵衣起  
舞春爛斑去年維陽人今年指天山地遠馬羈厥霜重貂裘  
遺山先生集卷五  
五  
陽泉山莊

寒朔風浩浩來客子慘在顏扼胡嶺上一回首未必君心如  
石頭君不見桓山鳥乳哺不得須臾間眾雛一朝散孤雌回  
顧聲悲酸寒雁來時八九月白頭阿母望君還

王黃華墨竹

爲郭輔之賦

古來畫竹尊右丞東坡斂袂不敢評開元石本出摹寫燕市  
駿骨畱空名亦有文湖州畫意不畫形一爲坡所賞四海知  
有篔簹亭淡衣幅巾老明經老死不敢言縱橫豈知遠江一  
派取後出運斤成風刃發劓雪溪僊人詩骨清畫筆尙餘詩  
典刑月中看竹寫秋影清鏡平明白髮生娟娟略似萱草詠  
落落不減叢臺行千枝萬葉何許來但見醉帖字敬傾君不  
見忠恕大篆草書法趙生怒虎嘤墨成至人技進不名技游  
戲亦復通真靈百年文章公主盟屏山見之踞且擊聲光舊

塞天壤破議論今著兒曹輕有物於此鳴不平悲耶嘯耶誰  
汝令只恐破窗風雨夜怒隨雷電上青冥

汎舟大明湖

符杜子不至

長白山前繡江水展放荷花三十里看山水底山更佳一堆  
蒼煙收不起山從陽耶西來青一灣天公擲下半玉環大明  
湖上一杯酒昨日繡江眉睫間晚涼一棹東城渡水暗荷深  
若無路江妃不惜水芝香狼藉秋風與秋露蘭襟鬱鬱散芳  
澤羅幘盈盈見微步晚晴一賦畫不成枉著風標誇白鷺我  
時驂鸞追散僊但見金支翠蕤相後先眼花耳熱不稱意高  
唱吳歌叩兩舷喚取樊川搖醉筆風流聊與付他年

九月七日夢中作詩續以末後一句

桃花紅淡李花白昨日成團今日折歌聲滿耳何處來楊柳  
遺山先生集 卷五 六 陽泉山莊

青旗洛陽陌拊君背握君手朝鐘暮鼓無了期世事於人竟  
何有青青鏡中髮忽忽成白首六國印何如負郭二頃田千  
載名不及卽時一杯酒

賦邢州鵲山

去時唐山道望望鵲山背今朝西北看奇秀益可愛蒼茫失  
層臺解駁見縈帶浮雲自來去盡巧寧變壞吳妝入小筆隱  
隱拂殘黛城隅靜女人不知擁髮低顰如有待太行橫截九  
州半一掩一重俱有態只知天平六峯天下稀此山東來亦  
間在煙埋雨沒今幾時殆天所藏子發之郭熙未足語平遠  
摹寫誰有韋郎詩

送王亞夫學家歸許昌

一日雨會藜藿菜三冬一褐軒與齊監河貨粟困欲死望望

江水湔塵泥故書一束手自攜汴兒跳梁翠女啼出門疾走  
勿反顧正恐五鬼從之西馬中豈是無龍媒世人徒知牝牡  
黃與驪只如黃金絡頭亦不惡誰謂茅索能相羈天公醉著  
百不問汝偶而偶奇而奇前途兀兀黑於漆昨日把笏今扶  
犁乃知世間倚伏不可料井底容有青雲梯春風兩淮多鼓  
顰軍中少年舞荒雞因君南望一大笑落日澹澹青山低

湧金亭示同游諸君

太行元氣老不死上與左界分山河有如巨鼇昂頭西入海  
突兀已過餘坡陀我從汾晉來山之面目腹背皆經過濟源  
盤谷非不佳煙景獨覺蘇門多湧金亭下百泉水海眼萬古  
留山阿鬻沸灤水源淵淪晉溪波雲雷涵鬼物窟宅淡蛟鼉  
水妃簸弄明月璣地藏發泄天不訶平湖油油碧於酒雲錦  
遺山先生集 卷五

七

陽泉山莊

十里翻風荷我來適與風雨會世界三日漫兜羅山行不得  
山北望空長哦今朝一掃眾峯出千鬢萬髻高峩峩空青斷  
石壁微茫散煙螺山陽十月未搖落翠蕤雲旂相盪摩雲煙  
故爲出濃淡魚鳥似欲雷婆娑石間僊人迹石爛迹不磨僊  
人去不返六龍忽蹉跎江山如此不一醉拊掌笑煞孫公和  
長安城頭烏尾訛并州少年夜枕戈學杯爲問謝安石蒼生  
今亦如卿何元子樂矣君其歌

煙螺舊作煙  
難依后本改

南冠行

南冠纍纍渡河關畢通頭白乃得還荒城雨多秋氣重頽垣  
敗屋深茅菅漫漫長夜浩歌起清涕曉枕留餘漕曹侯少年  
出紈綺高門大屋垂楊裏諸房三十侍中郎獨守殘編北窗  
底王孫上客生光輝竹花不實鴝鵒飢絲桐切切解人語海

雲喚得青鸞飛梁園三月花如霧臨錦芳華朝復暮阿京風  
調阿欽才量碧裁紅須小杜長安張敞號眉嫵吳中周郎知  
曲誤香生春動一詩成瑞露靈芝滿窗戶魚龍吹浪三山沒  
萬里西風入華髮無人重典鷓鴣裘展轉空牀臥秋月寶鏡  
埋寒灰鬱鬱萬古不可開龍劍出地底青天白日驅雲雷層  
冰千里不可畱離魂楚些招歸來生不願朝入省暮入臺願  
與竹林嵇阮同舉杯郎倉猩猩脣妾倉鯉魚尾不如孟光案  
頭一杯水黃河之水上流何物可煮人間愁撐霆裂月不  
稱意更與倒翻鸚鵡洲安得酒船三萬斛與君轟醉太湖秋  
醉後走筆

建茶三盃冰雪香離騷九歌日月光腰金更騎揚州鶴雋永  
不羨大官羊短鎧檠子移近牀秋風吹簾月轉廊一歌再歌  
遺山先生集 卷五 八 陽泉山莊

魂魄動入眼渺渺橫沉湘湘妃漸遠望不及金支翠蕤澹飛  
颺漁父話獨醒孺子歌滄浪山鬼獨一脚拊掌笑我旁湘纍  
歸來弔故國遺臺老樹山蒼蒼掩書一太息夜如何其夜未  
央東家女兒繡羅裳銀瓶瀉酒勸客嘗一酌均距顏再酌齊  
彭殤宇宙不今古氣節無陰陽少年避酒不肖喫跬步乃有  
無何鄉愛茶愛書死不徹乃以冰炭貯我腸世間唯有麴生  
風味不可忘

南湖先生雪景乘驃圖 并引

南湖先生原武人年二十許時曾以鄉賦兩魁鄭州然其  
資侷儻所以自望者甚高終不樂爲舉子計卽棄去學擊  
刺當正隆征南頗欲馳逐戎行間旣而大定詔書下兵各  
罷歸先生抱利器而無所試乃浮湛里社以詩酒自娛

田南湖之上築亭種樹徜徉乎其間盡置家事日與賓客  
酣飲歌管棊粟窮日夕不少休家故饒財又好施子其赴  
人之急猶疾痛之在已故人尤以此歸之所與游如臨沼  
王逸賓游宗之大定劉之昂其人皆天下名士至論人物  
必曰靖達卿今日之奇男子也先生生於天會初歷大定  
明昌泰和優游於太平和樂之世者五十年大安兵興乃  
下世平生喜作詩樂府尤有蘊藉觀西子棄瓢詩可見也  
髻鬢蕭颯苧羅秋千古香溪水自流  
吳越兵爭竟何得風流輪與五湖舟嘗雪中騎青驃行京  
水道中作長詩卒章有安得西都畫史吮筆出新意寫作  
南湖老子雪景乘驪圖之句其子文焯北渡後來東平始  
以先生之意追畫此圖求僕賦詩文焯質直好義讀書作  
文有聲時輩中觀其子可以想見先生之爲人故爲道其

遺山先生集

卷五

九

陽泉山莊

事并以致懷賢之思

大河茫茫白連空寒雲迢迢度南鴻汴梁高樓管絃裏成臯  
行人西北風北風吹雪來飄瞥捲孤蓬異色變慘澹元氣開  
洪濛襄陽潮陽詩境在掇拾物色真難工青驃誰此游望見  
知是南湖翁南湖翁少日骭髀今龍鍾猶能吐氣萬丈如長  
虹閉門兀坐意不愜要看銀海翻魚龍寶華世界瓊瑤宮江  
山隨翁入清雄詩成仰天一大笑飛花落絮春濛濛鬱鬱梁  
宋郊翁家出強宗許與必豪右收入等侯封翁年十八九弄  
筆學彫蟲疊取兩解魁隱隱何隆隆一旦拂衣去學劍事猿  
公正隆適南征匹馬走從戎墨瓦磨盾鼻意與江流東紫微  
出東方淮海亦來同都將書與劔田間就春農仕宦不作邛  
曼容醉鄉自愛王無功爰居從渠致鐘鼓野鶴豈合棲樊籠

南湖煙景多魚鳥亦從容亦有兩小船綸竿插船蓬高亭出  
秀樾窗戶連青紅清颺隨睡輿眼色赴吟筇門前車馬來日  
釀日不供但苦佳客少焉知清興終看翁棄瓢詩調戲鴟夷  
老子如兒童雄吞已覺雲夢小寒縮寧作書生窮當年我得  
奉談笑晝夜冒放清尊空東家西家不相從南海北海不相  
逢風流者舊今誰似惆悵相看是畫中

癸卯歲杏花

南州景氣暖杏花見紅梅讀書山前二月尾向陽杏花全未  
開待開竟不開怕寒貪睡嗔人催愛花被花惱不徹一日繞  
樹空千回牙牙嬌語山櫻破稠鬧成團稀作顆小蕾從教絳  
蠟封繁枝未要晴雲裏兩月不舉酒半歲不作詩更教古銅  
瓶子無一枝綠陰青子長相思今年閏年好寒節花開不妨  
遺山先生集卷五  
一 陽泉山莊

遲一月

蒲船買魚作寒節宋  
方月先生李知幾語

題劉紫微堯民野醉圖

蒼苔濁酒同歌呼白鬢紅頰醉相扶堯時皇質未全散不論  
朝野皆歡虞望雲雲非雲就日日非日先秦迂儒強解事極  
口譽堯初未識堯民與酒同一天此外更誰爲帝力僊老曾  
經甲子年戲將陳迹畫中傳山川淳樸忽當眼回望康衢一  
慨然不見只今汾水上田翁鞭背出租錢

堯甲子年仙  
人張果事

贈荅趙仁甫

仁甫名復雲夢  
人江表奇士也

我友高御史愛君曠以真昨朝識君面所見勝所聞江國辭  
客多玉骨無泥塵軒昂見野鶴過眼無雞羣想君夜醉潯陽  
時明月對影成三人散著紫綺裘草裏烏紗巾浩歌魚龍舞  
水伯不敢嗔何意醉夢間失脚墮燕秦萬世一旦暮萬里猶

比鄰世無魯連子黑頭萬蟻徒紛紛君居南海我北海握手  
一杯情更親老來詩筆不復神因君兩詩發興新都門回首  
一大笑袖中知有江南春

下黃榆嶺

北厓玄武暮黝黑如積鐵東厓劫火餘絢爛開錦纈就中嶺  
頭一峯凸樸奇賸費寒雲幾千疊摩圍可望不可到青壁無  
梯猿叫絕林煙日射彩翠新跬步疑有黃金闕畫工胸次墨  
汁滿那得冰壺貯秋月直須潮陽老筆回萬牛露頂張顛揮  
醉帖石門細路無澗泉行人飢渴挽不前辛苦黃榆三十里  
豈知卻有看山緣

驅豬行

黃臺張氏莊作

沿山詩苗多費力辦與豪豬作糧倉草庵架空尋丈高擊板  
遺山先生集卷五

卷五

十一

陽泉山莊

搖鈴鬧終夕孤犬無猛噬長箭不暗射田夫睡中時叫號不  
似驅豬似稱屈放教田鼠大於兔任使飛蝗半天黑害田爭  
合到渠邊可是山中無橡朮長牙短喙倉不休過處一抹無  
禾頭天明隴畝見狼藉婦子相看空淚流早乾水溢年年日  
會計收成纔什一資身百備粟豆中簞石都能幾錢直兒童  
倉廩須愛惜此物羣豬口中得縣吏卽來銷稅籍

嘯臺感遇

裴回五巖上浩歌彌激烈望望蟾房翕倒影乍明滅地古足  
靈異祠廢餘像設子規夜啼山竹裂老鶴亂踏枯松折嘯臺  
音響杳不聞蕩蕩青天一明月荒山破瓦色十步九窪疊水  
泉出沮如一綫僅不絕翁乎何意留此居可是他山無地穴  
太道旣下衰日鑿聰明開玉從珪璋毀木以青黃災天和散

不畱去浪無東回咄咄此老蒼翫麟仰怪魁堯年生甲子合  
德如未孩標枝野鹿致足樂火倉屋居良所哀史筆亦厚誣  
何曾校計識與材纏身正有一丈髮直以何物觀形骸大笑  
黃冠師金丹羽化之說何從來豈知大人先生獨立萬物表  
太古元氣同胚胎不見今日孫公和橫絕四海隘九垓嵇康  
養生安在哉

水簾記異

癸卯九月四日  
同杜仲梁賦

黃華絕境探未窮道人會約山櫻紅鏡臺懸流不易得世俗  
名取香鑪峯七年長路今一到刺鯁欲滿平生胸豈知旱久  
泉脈絕快意一濯無由供神明自足還舊觀湧浪爭敢微靈  
通何因狡獪出變化勝概轉盼增清雄天孫機絲拂夜月佛  
界珠網搖秋風稱奇叫絕喜欲舞恨不百繞青芙蓉銀橋清  
遺山先生集 卷五 十一 陽泉山莊

祺谷聖鐙

九月五日作

金門寺前山突起井底寶巖三十里舊聞聖鐙在山上紫微  
侍郎宜不妄山空月黑無人聲林間宿鳥時一鳴游人燒香  
仰天立不覺紫煙峯頭一鐙出一鐙一鐙續一鐙山僧失喜  
見未曾金繩脫串珠散迸玉丸走杵光不定飛行起伏誰控  
搏華麗清圓自殊勝北荒燭龍開晦冥南極入地多異星豈  
知心光毫相有真遇物外恍惚終難憑腐儒心魄爲動蕩再  
拜中庭謝靈貺何曾辦作劉更生下照乃辱青藜杖昨朝黃  
華瀑流神所憐今朝金門佛鐙佛作緣紛紛世議何足道盡  
付馬耳春風前

倉榆莢

露葵滑寒羊蕨羶春榆作莢絕可憐榆令人瞑何暇計田舍  
年例須濃煎簫聲吹暖賣飴天家人鑽火分青煙長鉤矮藍  
走童稚頃刻綠萍堆滿前炊飯雲子白翦韭青玉圓一杯香  
美薦新味何必烹龍炮鳳誇肥鮮鼠肝蟲臂萬化途神奇腐  
朽相推遷夢中鸚鵡亦大樂隨意飲啄真飛僊先生捫腹一  
莞然此日何功倉萬錢

李峪園亭看雨

龍山右脇松十里細路蜿蜒繞龍尾松林迫塞悶煞渠北望  
玉泉疑井底玉泉元自別一天眼界廓廓無神川金城百里  
纔一俯半尖浮圖插蒼煙行行下絕巘招提忽當眼未到倦  
不勝小憇遂忘返玉泉一杯甘以冽未須張陸誇冰雪主人

遺山先生集

卷五

三

陽泉山莊

不在客不留烈風崖下風颼颼石頭路滑馬蹶怯山雨未落  
雲先愁將軍林園永安下秋霽邨墟絕瀟灑濃雲厭屋風打  
頭僅得羈銜脫疲馬只知龍山之神神更神永安亦能撼詩  
人晦暝變化千萬態畫出風雨元非真山靈亦愁歸厚夜半  
面時時見雲罅天瓢細灑供晚涼不似草堂回俗駕層陰一  
掃羣峯出一洗淡青徹山骨夕陽展放紫翠屏只欠松梢一  
輪月山中一石回萬牛況是一壑復一邨不如一詩招將入  
南州先生興來時臥游

游龍山

曩予尉大梁得交此州雷與劉自聞兩公誇南山每恨南海  
北海風馬牛老龍面目今日始一見更信造物工雕鏤是時  
山雨晴平田綠油油並山涼氣多況得通溪幽山泉谷口出

迎客石罅夏擊珠琅球蜿蜒入微行漸覺藤蘿罨衣樹打頭  
惡木拉颯棲直幹比指稠石門無風白日靜自是林響寒颯  
颯一峯忽當眼仰看看不休一峯一峯千百峯雖欲一一顧  
揖知無由金城偃蹇不得上瑤甕回合如相畱苔花萬錦石  
丹碧爛不收天關守虎豹武庫開戈矛小山隨起隨偃仆獨  
立千仞絕頂縹緲之飛樓百花岡頭藉草坐瀟灑正值金蓮  
秋亭亭妙高臺玉斧何年修登高攬元化快如鷹脫鞴山靈  
故爲作開闔巧與詩境供冥搜白雲何許來纖絲弄輕柔蓬  
蓬作霧湧飄飄與煙浮玉衣僊人鞭素虬翕忽變化令人愁  
須臾視六合浩蕩不可求初疑陶輪比運甓今悟夜壑真藏  
身劫石拂未窮杞國浪自憂斷鼇立極萬萬古爭遣起滅如  
浮漚快哉萬里風一掃天四周誰言太始再開闢日馭本自  
遺山先生集

卷五

十四

陽泉山莊

無停朝舉手謝山靈就無清涼毫相非神羞賤子貪名山客  
刺已屢投黃華挂鏡臺天壇避秦溝太山神明觀二室汗漫  
游胸中隱然復有此大物便可揮斥八極隘九州玉峯有佳  
招絕唱須一酬爲君探囊擲下珊瑚鉤白雲相望空悠悠異  
時華表見老鶴姓字莫忘元丹耶

醉中送陳季淵

寒食不數日天氣殊未佳翩翩金門客行指龍堆朝發忻  
城暮隴頭隴頭地寒無草芽拂雲堆邊春更晚雪花茫茫楊  
白沙紇千山高凍煞雀榆葉離離小叢薄愛君只欲苦死畱  
不道南飛何所樂書生弓馬能幾何乃今寶校金盤陀孔璋  
文筆妙天下敕勒不數陰山歌向年賦奇雨擁海驅雲筆頭  
注快如懷素書布障狂笑劉又寫冰柱李汾王鬱俱灰塵天

意乃在澗陽陳舌吐萬里唾一世眼高四海空無人殘民假  
息仍瘡痍誰作東山謝安起恨我不比長桑君一月鷓君上  
池水眼中之人不易忘誰作冰炭置我腸衰顏明鏡兩寂寞  
別意春江誰短長但願年年見顏色與君連日醉壺觴

送七唐佐還平陽

我從商餘之山過庵羅聞君六經百家富研摩會最上指冠  
巍峩豈肯俯首春官科覃懷變生十載後我時避兵方北走  
通家弋宋共有無行輩許之爲老友晉州一書君肯來握手  
大笑心顏開春風著人不覺醉快卷更須三百杯鶴骨騫飛  
法當壽況是丹房藥鏡畱心久昆侖神泉蔓尤芝乞與餘膏  
潤衰朽天府學士登瀛洲松頂僊人垂直鉤愛君直欲抵死  
畱自言世事非所求千古黃金鑿中淚不獨盧仝并馬巽蘇  
遺山先生集卷五  
五 陽泉山莊

游泰山

州韋郎交分淡香山白傅金玉音借渠兩詩寫我心相知非  
不多但苦心不同同心一人去坐覺長安空離愁何從生生  
從情愛中不見行路人拂袖自西東汾流滔滔兮日千里青  
眼高歌吾老矣

寶豐山中有庵羅寺唐佐嘗  
從程內翰天益問學于此

泰山天壤間屹如鬱蕭臺厥初造化手辨此何雄哉天門一  
何高天險若可階積蘇與累塊分明見九垓扶搖九萬里未  
可誣齊諧秦皇憺威靈茂陵亦雄材翠華行不歸石壇滿蒼  
苔古今一俯仰感極令人哀是時夏春交紅綠無邊涯奇探  
忘登頓意愜自遲回惜無賞心人懽然盡餘杯夜宿玉女祠  
崩奔湧雲雷山靈見光怪似喜詩人來雞鳴登日觀四望無  
氛霾六龍出扶桑翻動青霞堆平生華嵩遊茲山未忘懷十

年望齊魯登臨負吟鞵孤雲拂層崖青壁落落雲間開眼前  
有句道不得但覺胸次高崔嵬徂徠山頭喚李白吾欲從此  
觀蓬萊

付阿耽誦

昨得商子書知有阿耽名今朝見阿耽驚喜復驚迺翁雅  
望傾漢庭仕才千石埋九京我知渠孫不虛生虎穴生虎子  
墮地骨骼成舉頭爲城尾爲旌幾人雄猛得寧馨繡衣青春  
佳御史路人望見行且止老夫從旁當說似前日晦道堂前  
小兒子雷動風行自應耳藜藿不采今其始

唐子達扇頭

此詩舊編入  
六言今正

溪光冷於冰山骨淨如玉白雲自老人自閒莫遣秋風破茅  
屋

遺山先生集

卷五

十六

陽泉山莊

游承天鎮懸泉

以下續編

詩人愛山愛徹骨十月東來犯冰雪懸流百里行不前但覺  
飛湍醒毛髮閒閒老仙仙去久石壁姓名苔蘚滑此翁可是  
六一翁四十二年如電抹并州之山水所淤駭浪幾轟山石  
裂只知晉陽城西天下稀娘子關頭更奇剛周南留滯何敢  
歎投老天教探禹穴君不見管涔汾源大車輪平泉丈八玻  
璃盆不知承天此水何所本乃與沈瀆爭雄尊平地突出隨  
崩犇洶如頽波射天門太初元氣未凝結更欲何處留胚胚  
素虬騰擲翠蛟舞袞袞後出皆鱣鯤雷車怒擊冰雹散石峽  
峻滑蒼煙屯憑崖下視心魄動自媿氣衰筆老勝概過眼無  
絲吞少東水簾亦瀟灑珠琲一一明朝噉陽龍暗滋瑤草活  
磨石自與蓮湯温神祠水之許儀衛盛官府頗怪祠前碑稽

考失莽魯吾聞允格臺胎宣汾洮障大澤自是生有自來歸  
有所假而自經溝瀆便可尸祝之祀典紛紛果何取子胥鼓  
浪怒未洩精衛銜薪心獨苦楚臣百問天不酬冒以誕幻虛  
荒驚聳瞽自有宇宙有此水此水懸絲萬萬古人言主者介  
山氏且道未有介山之前復誰主山溪地古自是有神物不  
假靈真誰敢侮稗官小說出閩巷社鼓邨簫走翁媪當時大  
厓十才子爭遣李譚鑣陋語石林六月清無暑人家青紅溼  
窗戶射鹿有場魚有浦好築漕臺俯洲渚甕面椰瓢挹膏乳  
醉扶紅袖別吳歌風雨不憂驚如女閑閑公守平定以大安庚午來遊迄今王子四  
十三年矣土俗傳介子推被焚其妹介山氏逃迨今王子四  
自焚號曰妒女祠碑大厓中制官李譚所撰辭旨殊謬至有  
百日積薪一日燒之之語鄉社至今以  
百五日積薪而焚之謂之祭妒女云

爲程孫中卿作

遺山先生集

卷五

十七

陽泉山莊

繡褥錦爲棚蘭湯金作盆名駒出注水萬馬浮雲奔參軍愛  
友親弟昆御史風節海內聞諸郎楚楚皆玉立王謝定自超  
人羣高樹出大根源清流不渾千年雒陽陌赫赫于公門外  
翁老去住山邨正要兒童侍酒尊他日新詩一千首不愁無  
物餉吾孫

壽張復從道

鎮州城中金粟岡移來河東萬卷堂先生弦歌教胄子子亦  
詩禮沾餘芳齒如編貝髮抹漆玉樹臨風未二十爲渠欲作  
寫真詩老我慚無敬齋筆復也美材具璞玉未雕飾良工在  
汝心苦卓與真積捧檄毛義喜受杖伯瑜泣親年當喜懼寸  
晷眞尺璧桓榮家世傳一經何患不蒙稽古力綵服庭闈趨  
繡衣霄漢立但願頤齋壽金石歲歲年年作生日



遺山先生集卷第六

元張德輝頤齋類次 平定後學張穆頤洲校梓

樂府

天門引

秦王濠居不得近從厥衝成欲誰信白頭游客困咸陽憔悴  
黃金百斤盡海中僊人黃鶴舉大笑人間爭腐鼠丈夫何意  
作蘇秦六印才堪警兒女古來多爲虛名老不見阿房淨如  
掃千年虎豹守天門一日牛羊臥秋草

蛟龍引

古劍咸陽墓中得披開青雲見白日蛟龍地底氣如虹土花  
千年不敢蝕洪鑪烈焰初騰精橫海已覺無長鯨世上元無  
倚天手匣中誰解不平鳴割城恨不逢相如佐酒恨不逢朱  
遺山先生集 卷六 一 陽泉山莊

虛尙方未入朱雲請盟樂合與毛生俱誰念田文坐中客只  
將彈缺嘆無魚

湘夫人詠

木蘭芙蓉滿芳洲白雲飛來北渚遊千秋萬歲帝鄉遠雲來  
雲去空悠悠秋風秋月沅江渡波上寒煙引輕素九疑山高  
猿夜啼竹枝無聲墮殘露

湘中詠

楚山鶴鳴風雨秋楚岸猿啼送客舟江山萬古騷人國猿鳥  
無情也解愁西北長安遠於日憑君休上岳陽樓

孤劍詠

鬱鬱重鬱鬱夜半長太息吟成孤劍詠門外山鬼泣清霜棧  
梭風入骨殘月耿耿鐙映壁君不見一飢縛壯士僵臥時自

惜黃鶻一舉摩蒼天誰念樊籠束修翼

洛蓮怨

阿溪何許來素面浣風雨寂寞煙中魂依依欲誰語

芳華怨

娃兒十八嬌可憐亭亭裊裊春風前天上僊人玉爲骨人間  
畫工畫不出小小油壁車軋軋出東華金縷盤雙帶雲裾踏  
雁沙一片朝雲不成雨被風吹去落誰家少年豈無恩澤俵  
金鞍繡帽亦風流不然典取鸚鵡裘四壁相如堪白頭金谷  
樓臺悄無主燕子不來花著雨只知環佩作離聲誰向琵琶  
得私語無情灘鴻翥翠兒有情蜂雄蛺蝶雌勸君滿酌金屈  
卮明日無花空折枝

後芳華怨

遺山先生集

卷六

二

陽泉山莊

江南威鏡飛上天三五二八清光圓豈知汴梁破來一千日  
寂寞菱花仍半邊白沙漫漫車轆轤鷓鴣絃中杜鵑哭寒門  
憔悴人不知枉爲珠娘怨金谷樂府初唱娃兒行彈碁局平  
心不平只今雄蜂雌蝶兩不死老眼天公如有情白玉搔頭  
綠雲髮玫瑰面脂透肉滑春風著人無氣力不必相思解銷  
骨落花絕品姚家黃揚州銀紅一國香千圍萬繞看不足雨  
打風吹空斷腸丹砂萬年藥金印八州督不及秦宮一生花  
裏活長門曉夕壽相如儘著千金買消渴

結楊柳怨

長樂坡前一杯酒鄭重行人結楊柳可憐楊柳千萬枝看看  
盡入行人手輕煙細雨綠相和惱亂春風態度多路人愛是  
風流樹無柰朝攀暮折何朝攀暮折何時了不道行人暗中

老素衣今日洛陽塵白髮明朝塞城草柳色年年歲歲青關  
人何事管離情春風誰向丁寧道折斷長條莫再生

秋風怨

碧瓦高梧響疏雨坐倚薰籠時獨語守宮一著死生休狗走  
雞飛莫爲女雲閒簫鼓夜厭厭禁漏誰將海水添一春門外  
羊車過又見秋風拂翠簾總把丹青怨延壽不知猶有竹枝

鹽

歸舟怨

渡頭楊柳青復青閨中少婦動離情只從問得狂夫處夜夜  
夢到洛陽城南風吹櫓聲北雁鳴嚶嚶江流望不極相思春  
草生

征人怨

遺山先生集

卷六

三

陽泉山莊

瀚海風煙埽易空玉關歸路幾時東塞垣可是秋寒早一夜  
清霜滿鏡中

塞上曲

平沙細草散羊牛一簇征人在戍樓忽見隴頭新雁過一時  
回首望南州

西樓曲

游絲落絮春漫漫西樓曉晴花作團樓中少婦弄瑤瑟一曲  
未終坐長嘆去年與郎西入關春風浩蕩隨金鞍今年匹馬  
妾東還零落芙蓉秋水寒并刀不翦東流水湘竹年年露痕  
紫海枯石爛兩鴛鴦只合雙飛便雙死重城車馬紅塵起乾  
鵲無端爲誰喜鏡中獨語人不知欲插花枝淚如洗

後平湖曲

越女顏如花吳兒潔如玉天教並牆居不著同被宿美人一笑千黃金連城不博百年心樓上牆頭無一物暮爨朝春一生足秋風拂羅裳秋水照紅妝舉頭見郎至低頭采蓮房郎心只如菱刺短妾意未覺藕絲長與郎期何許眼凝同舟女春波澹澹無盡情雙星盈盈不得語十里平湖艇子遲岸花汀草伴人歸鴛鴦驚起東西去唯有蜻蜓接翅飛

涪川行

涪川道邊日欲西誰家少婦掩面啼漫漫長路行不徹粉綿鏡衣手自攜自言娼家女家在梁門東夫婿輕薄兒新人不相容憶初在家時只辦放嬌慵耶娘惜女如惜玉近前細看面發紅無端嫁作蕩子婦流落棄擲風埃中可憐桃李花顏色嬌蒙茸朝看花枝好暮看花枝空安得明珠三百斛重簾遺山先生集卷六

四

陽泉山莊

複幕圍春風

長安少年行

黃衫少年如玉筆生長侯門人不識道逢豪客問姓名袖把金鞭側身揖臥駝行囊錦帕蒙戶榴壓漿銀作筒八月蒼鷹一片雪五花驕馬四蹄風日暮新豐原上獵三更歌舞灞橋

東

黃金行

王郎少年詩境新氣象慘澹含古春筆頭僊語復鬼語只有溫李無他人天公著詩貧子身子曾不知乃自神人聞不買詩名用一片青衫衡霍重兒貧女富母兩心何論同袍不同夢入門喚婦不下機派子垢面兒啼飢君詩只有貧女譚何曾夢見金縷衣外家翁媪可有語嫁女書生徒爾爲昆陽城

下三更酒醉膽輪困插星斗一昔詩腸老蛟吼十尺長人墮  
車走所頭不屈三萬言欲向何門復低首何人壽我黃金千  
使君破鏡飛上天

隋故宮行

渭川楊柳先得春二月鶯啼百囀新長春宮中千樹錦暖日  
晴雲思煞人君王半醉唱吳歌絳僊起舞舞顰翠蛾吳兒謾說  
曾行樂三十六宮能幾多千秋萬古金銀闕海波三山一毫  
髮繁華夢覺人不知留得寒蟄泣秋月

解劍行

古劍黑於漆鬱鬱動星文摩挲二十年今日持贈君長鯨鼓  
浪三山沒知君不是泥中物袖間一卷白猿書未分持刀買

黃犢壯懷風雲鬱沈沈慚媿漂母無千金長安侏儒飽欲死

遺山先生集

卷六

五

陽泉山莊

萬古不解天公心北風浩浩吹行客隴水無聲雪花白荆卿  
墓頭秋草乾擊筑行歌欲誰識君不見秦相五段皮去時烹  
雞炊屨屨又不見敝裘蘇季子合從歸來印纍纍丈夫墮地  
自有萬里氣翁忽變化安能知大冠如箕望吾子富貴同生  
亦同死

征西壯士謠

三十未有二十強手內虬矛丈八長總爲官家金印大不怕  
百死向沙場捉卻賀蘭山下賊金鞍繡帽好還鄉

望雲謠

涉江采芙蓉芙蓉待秋風登山采蘭若蘭若霜早彫美人亭  
亭在雲霄鬱搖行歌不可招湘絃沈沈寫幽怨愁心歷亂如  
曳爾金支翠蕤紛在眼春草迢迢春波遠

望歸吟

塞雲一抹平如截  
塞草離離臥榆葉  
長城窟窟戰骨寒  
萬古牛羊飲冤血  
少年錦帶佩吳鉤  
獨騎匹馬覓封侯  
去時只道從軍樂  
不道關山空白頭  
北風吹沙雜飛雪  
弓絃有聲凍欲折  
寒衣昨夜洛陽來  
腸斷空閨擣秋月  
年年歲歲望還家  
此日歸期轉未涯  
誰與南州問消息  
幾時重拜李輕車

梁園春五首

車駕遷汴京後作

軍從南去三回勝  
雪自東來二尺強  
今歲長春多樂事  
內家應舉萬年觴

長春德陵誕節名

暖入金溝細浪添  
津橋楊柳綠纖纖  
賣花聲動天街遠  
幾處春風揭繡簾

上苑春濃晝景閒  
綠雲紅雪擁三山  
宮牆不隔東風斷  
偷送遺山先生集

卷六

六

陽泉山莊

天香到世間

樓觀沈沈細雨中  
出牆花木亂青紅  
朱門不解藏春色  
燕宿鶯喧處處通

雙鳳簫聲隔綵霞  
宮鶯催賞玉谿花  
誰憐麗澤門邊柳  
瘦倚東風望翠華

龍德宮有玉谿館麗澤燕都西門名

揆花詞五首

禁裏蒼龍啟九關  
殿前鸚鵡喚新班  
沈沈綠樹鞭聲遠  
嫋嫋薰風扇影閒

浩蕩春風入繡鞍  
可憐東野一生寒  
皇州花好無人管  
不用新郎走馬看

六十人中數少年  
風流誰占揆花筵  
阿欽正使才情盡  
猶欠張郎白玉鞭

李欽用二十七張夢祥少一歲又未婚云

美酒清歌結勝游紅衣先爲渚蓮愁曲江共說櫻桃宴不見  
西園風露秋

人物風流見藹然逼人佳筆已翩翩龍津春色年年在莫著  
新銜惱必先

獵城南

翩翩游俠兒白馬如匹練朝出城南獵暮趁軍中宴北平有  
真虎愛惜腰閒箭

春風來

春風來時瑤草芳綠池珠樹宿鴛鴦春風去後瑤草歇來鴻  
去燕遙相望鴛鴦不得雙燕鴻天一方娟娟愁眉色靜與遙  
山長錦衾復羅薦夢語相思怨月明烏夜啼空閨淚如霰

幽蘭

遺山先生集

卷六

七

陽泉山莊

僊人來從舜九疑辛夷爲車桂作旗疏麻導前杜若隨披猖  
芙蓉散江蘿南山之陽草木腴澗岡重複人迹希蒼厓出泉  
懸素霓翛然獨立風吹衣問何爲來有所期歲云暮矣胡不  
歸釣天帝居清且夷瑤林玉樹生光輝自棄中野誰當知霰  
雪慘慘清入肌寸根如山不可移雙麋不返夷叔飢飲芳食  
菲尙庶幾西山高高空蕨薇露槩無人薦湘纍山鬼切切雲  
間悲空山月出夜景微時有彩鳳來雙栖

梅花

去歲梅花晚今歲梅花早和羹要佳賓春風莫草草

寶鏡

寶鏡挂秋水青蛾紅紛妝春風不相識白地斷肝腸

續小娘歌十首

吳兒浴路唱歌行十五五和歌聲唱得小娘相見曲不解  
離鄉去國情

北來游騎日紛紛斷岸長隄是陣雲萬落千邨藉不得城池  
留著護官軍

山無洞穴水無船單騎驅人動數千直使今年留得在更教  
何處過明年

青山高處望南州漫漫江水遶城流願得一身隨水去直到  
海底不回頭

風沙昨日又今朝踏碎鴉頭路更遙不似南橋騎馬日生紅  
七尺繫郎腰

雁雁相送過河來人歌人哭雁聲哀雁到秋來卻南去南人  
北渡幾時回

遺山先生集

卷六

八

陽泉山莊

竹溪梅塢靜無塵二月江南煙雨春傷心此日河平路千里  
荆榛不見人

太平婚嫁不離鄉楚楚兒郎小小娘三百年來涵養出卻將  
沙漠換牛羊

飢鳥坐守草閒人青布猶存舊領巾六月南風一萬里若爲  
白骨便成塵

黃河千里扼兵衝虜虢分明在眼中爲向淮西諸將道不須  
誇說蔡州功

并州少年行

以下續編

北風動地起天際浮雲多登高一長嘯六龍忽蹉跎我欲橫  
江鬪蛟鼉萬弩迸射陽侯波或當大獵燕趙間黃熊朱豹皆  
遮羅男兒萬馬隨搗訶朝發細柳暮朝那掃雲黑山布陽和

歸來明堂見天子黃金橫帶冠  
戔戔人生只作張鷟傅介子  
遠勝僵死空山阿君不見并州少年夜枕戈破屋耿耿天垂  
河欲眠不眠淚滂沱著鞭忽記劉越戶拔劍起舞雞鳴歌東  
方未明兮柰夜何

怒虎行

答宋文之

怒虎當道臥百里不敢墜紛紛射彪手一見弧矢墮誰知世  
有李將軍霹靂弦聲驚戶賊昨日雙南金今日綠綺琴贈君  
無別物唯有百年心

遺山先生集

卷六

九

陽永山莊

遺山先生集卷第六

遺山先生集卷第七

元張德輝頤齋類次 平定後學張穆廉友校梓

五言律詩

懷益之兄

世故伊川嘆鄉情越客音天宜他日定陸已向來沈冉冉愁  
看老源源事益侵誰言易排遣自分不勝任鞭影驚疲馬鐘  
聲急暮禽踟中無曠迹喧外有幽尋夢失名家筆書存遺子  
金山田和戶瘦茅屋過雲淡春雨疏成圃秋霜柿滿林樹陰  
涼拂席花氣澹盈襟宿鷺窺晨汲孤猿伴暝吟溪僧時問字  
野客或知琴抱璞休奇售臨觴得緩斟阿兄團聚日曾話百  
年心

汴禪師自斲普照瓦爲研以詩見餉爲和二首

遺山先生集

卷七

一

陽泉山莊

寺廢瓦不毀研奇功亦多已知良斲少更柰苦心何挺挺剛  
無敵津津潤可呵羽陽陵谷變冰井字書謫贈比黃金璞辭  
慙紫石歌遙知玉音在洗耳俟研磨長吉有紫石硯歌  
點化鉛仍見堅凝鐵易穿何年埋朽壤此日睹青天古色秋  
煙重哀音夜雨懸有刀堪切玉是鏡不名塲佛廕淪空劫書  
林結後緣禪河一勺水更擬就師傳

惡雨

惡雨惡復惡龍公何遽然霆轟冰塔碎電掣玉繩連高岸皆  
澗谷層霄一漏泉黑來疑擁海白散忽成煙市饗千門合潮  
頭萬弩穿天瓢休盡建枯早有他年

癸巳除夜

鼎定周元重新安漢已然不隨南渡馬虛泛北歸船身並枯

蝸化心爭脫免先塵埃嗟落薄光景強留連往事青燈裏浮  
生白髮前更殘鐘未動猶屬出京年

病中

病因食豬動氣而作癸卯  
四月二十一日晨起書

戰勝頗自恃寧知徒外腴文章工作祟時運迫摧枯止酒嗟  
何及燒豬本不圖膏梁無急變山澤有真臞詩信藤條戲方  
遭鐵彈誣鹽紅忘後顧鰲黑見先驅眩入投牀什晨淹伏枕  
呼萬錢誰嘔泄一鬻爾乘除靜伏心仍悸淡調息亦羸跼嫌  
囚宇宙渴憶捲江湖風柳留蟬脫霜松映鶴孤養和懲往失  
凡名養和事扶老念時須杯杓歸神誓垣牆任佛踰回谿且  
垂翅望或在桑榆

綦威卿毅挽辭

東海于門舊桐鄉邑墓遷綦東海人威卿之祖待  
制公知忻州因家焉芝蘭宜有

遺山先生集

卷七

二

陽泉山莊

種珠玉自成淵慈母依鄰切名郎獲譽先豪華非日損信厚  
出天然詣理言猶訥持心靜益專笑談千里到咳唾百金捐  
論齒推予長垂髫得子賢通家仍孔李知己與王田刻責誰  
斯切推扶取所偏孤嫠平日託昆季再生緣摧割詩寧寫精  
微夢或傳都將百年淚一慟夜臺前

老樹

老樹高留葉寒藤細作花沙平時泊雁野迥已攢鴉旅食秋  
看盡行吟日又斜干戈正飄忽不用苦思家

陽翟道中

長路伶俜裏羈懷萃蒼中千山分落照萬籟入秋風頗見參  
旗縮虛傳朔幕空故園歸未得細問北來鴻

月觀追和鄧州相公席上韻

月觀知名舊池亭發興偏露涼驚夜鶴風細咽秋蟬綠泛兵  
厨酒紅依幕府蓮無緣逐清景空羨飲中僊

太室同希顏賦

壯矣崧維岳盤盤上窈冥中天瞻巨鎮元氣有遺形雨入秦  
川黑雲開楚岫青鼇掀一柱在萬古壓坤靈

送登封張令西上

罷縣人稱屈悠悠復此行渭城秋雁到秦嶺暮雲平道路衣  
從典風塵劔已鳴山西多俠客莫說是書生

方城道中懷山中幽居

技拙違時用年饑與食謀江山貧士歎日月賈胡留楚客頻  
招隱文園故倦游衡門有幽事還我北窗秋

孟州夾灘飲承之御史家

同飲  
叔作

遺山先生集

卷七

三

陽泉山莊

美酒禁愁得芳梅發興饒紛紜聊且置塊磊故須澆雞黍成  
前約干戈有此宵平生楊大理惜不豫佳招

雲卿赴召  
五日矣

送曹吉甫兼及通甫

意氣羨君豪憐君屈騎曹安能事筆硯且復混弓刀風雪貂  
裘暗關山馬骨高南飛見鴻雁應爲惜哀勞

勝概

三鄉  
作

勝概煙塵外新詩杖履閒偶隨流水去澹與暮雲還吾道二  
緘口時情一解顏從今便高臥已負半生閒

少室南原

地僻人煙斷山深鳥語譁清溪鳴戶齒暖日長藤芽綠映高  
低樹紅迷遠近花林閒見雞犬直擬是僊家

寄贈龐漢茂宏

之子貧居久詩文日有功苦心唯我見高誼許誰同萬里虎  
食肉一鳴雞長雄皇天老眼在且莫怨工中

洛陽古城曦陽門早出

乘月出曦陽黎明轉北岡荒邨自雞犬長路足豺狼天地憐  
飄泊風霜憶閉藏微吟詠行役淒斷不成章

聞希顏得英府記室

近得髯參信知從兔苑游文星映朱邸勝概減黃樓進退存  
中道功名接上流徒懷貢公喜塵土隔瀛洲

落魄

落魄宜多病艱危更百憂雨聲孤館夜草色故園秋行役魚  
鱗尾歸期烏白頭中州遂南北殘息付悠悠

得姪搏信一首

遺山先生集

卷七

四 陽泉山莊

今日鄜州姪知從虎穴還百年陰德在幾日鬢毛班隔闌家  
仍遠羈柙食更艱誰憐西北夢依舊繞秦關

號驛傳家信坤牛玩吉占團圓知有望悲喜亦相兼過眼書  
重展伸倉酒屢添關河動高興六百繞西王清磬

阿千始生

四十舉兒子提孩聊自誇夢驚松出筍兆應竹生花田不求  
千畝書先備五車野夫詩有學他日看傳家

長壽新居二首

阿仲  
經賦

地古邨墟迥川回縣郭斜蒲池餘老節菊水引新芽卜築欣  
成趣歸耕覺有涯迎門顧兒女今日是山家

隱去初心在親朋復此借荒田歸別業高樹表新齋泉石澗  
三逕風塵限兩崖青山坐終日無物寄幽懷

昔有姜夫子來家寂寞濱  
墓田耕已熟碑石字猶新  
詩酒娛中歲山林有外臣  
三生可信否吾亦記前身  
宣和中姜夢得處士常隱于此  
墓陽在焉夢得曾上書仁宗  
既老以詩酒自娛賜文說地  
名白鹿原長壽邨也

少林雨中

西堂三日雨氣節變蕭森  
偃臥復敲臥長吟時短吟  
鐘魚四山靜松竹一鏗淡  
重羨禪栖客都無塵慮侵

十二月六日二首

俛鬼跳梁久羣雄結構半  
天機不可料世網若爲逃  
白骨丁男盡黃金甲第高  
閭門隔九虎休續楚臣騷  
海內兵猶滿天涯歲又新  
龍移失魚鼈日食鬪麒麟  
草棘荒山雪煙花故國春  
聊城今夜月愁絕未歸人

得一飛姪安信

遺山先生集

卷七

五

陽泉山莊

音問他鄉隔存亡此日知  
夢中憂凍餒意外脫艱危  
避地何嗟及還家敢恨遲  
衰年五事了似有鹿門期

短日

短日噓聲急重雲雁影淡  
風霜侵晚節天地入歸心  
雲落溝中斷酸嘶驟下音  
五年朝與夕清血幾沾襟

送母受益自潞府歸崧山

薄俗科名賤孤生志願違  
正須謀獨往何暇計羣飛  
泌水眞堪樂荆州況可依  
青山吾舊隱此日羨君歸

寄程孫鐵安

御史陰功在孫兒玉不如  
已能騎竹馬想亦愛銀魚  
異縣關山闊衙門骨肉疏  
幾時隨阿舅盡讀外家書

贈汗禪師

道重疑高譽禪枯耐寂寥蓋頭茅一把繞腹篋二條趙子曾  
相問馮公每見招風波門外客無事且相饒

己亥元日

五十未全老衰容新又新漸稀頭上髮別換鏡中人野史纔  
張本山堂未買鄰不成騎瘦馬還更入紅塵

送楊次公兼簡秦彥容李天成

海國山如染雲堆草易荒時危頻虎穴路絕更羊腸弔影雙  
蓬鬢攜家一藥囊殷勤秦與李無惜借餘光

發濟源

早嘆今年劇他鄉底處歸羸糧失先具涉世本無機棄擲烏  
皮几裴回白版扉殷勤雙語燕媿汝遠相依

倪莊中秋

己亥

遺山先生集

卷七

六

陽泉山莊

強飯日逾瘦袂衣秋已寒兒童謾相憶行路豈知難露氣入  
茅屋溪聲喧石灘山中夜來月到曉不曾看

答潞人李唐佐贈詩

聞道嗟予晚求師愧子賢泥塗終自拔璞玉豈虛捐書破三  
千牘詩論二百年文章有聖處正脈要人傳

陽興砦

亂石通樵徑重岡擁戍城山川帶淳樸雞犬見升平雨爛沙  
仍軟秋偏氣自清年年避營馬幾向此中行

此路

由州入府避騎兵奪馬者多由

懷粹中

醉解不復寐吟君田舍詩從知石門老未比木庵師日月淹  
書尺江山入鬢絲何因重談笑卻似少林時

同周帥夢卿崔振之游七巖

定襄七巖

客路頻年別僧居半日閒同游盡親舊舉目是家山世事風塵外詩情水石閒悠然一尊酒落景未知還

送崔振之迎家汴梁

老伴不易得殘年未有閒桑麻一邨落雞犬兩柴關樊守能供酒周侯許買山從今釣溪上日日望君還

聚僊臺夜飲

永夜留歡席高懷遠市塵月涼衣有露風細酒生鱗鄉社情親舊僊臺姓字新殷勤詩卷在長記坐中人

續陽平十愛

我愛陽平酒兵廚釀法新百金難著價一釀卽醺人色笑榴華重香兼竹葉醇爲君留故事喚作杏園春

杏園指紀子正家園爲言

遺山先生集

卷七

七

陽泉山莊

送田益之從周帥西上二首

市近廚無肉書香蠹有蟲溪居誰不樂兀坐竟何功天日伸眉後江山洗眼中蓬萊如可到賸借玉川風

有所謂

一室盆歌後供樵只短僮求風可無日牧犢未成翁桂樹春風近楊黃煖律通明年孟德耀應與伯鸞東

九月晦日玉邨道中

水洞沙仍灑霜餘草更幽煙光藏落景山色露清秋坐食知何益行吟只自愁隨陽見鴻雁三嘆惜淹留

十月四日往關南二首

短日晨光澹高風宿靄激山寒渾欲雪水洞劣能冰振厲時何有躋攀倦不勝哦詩聊自遣松液已香凝

子方釀松膠當以今日熟故及之

行路見新月獨行還獨謠勞生塵袞袞晚色鬢蕭蕭野曠無  
遺穗林疏有墮樵回頭麥山嶺更覺馬蹄遙

寄王丈德新二首

德新時在汝州

沙際春還去雲頭雨不成興來誰共醉事往獨含情紫邏留  
行客黃流隔戍城岸花何處在空憶櫂歌聲

子孟津時事

清汝風華地平生記此游酒能千日醉春必萬金酬攬鏡非  
遲暮逢花儘滯留只應歌笑處偏欠李鄜州

欽叔時赴鄜州幕官

舊國

舊國分崩久孤兒展省初客衣留手線驛傳失肩輿夢拜悲  
兼喜心飛疾亦徐殷勤南去雁先爲到商於

和仲梁

林影兼秋薄雲陰帶晚涼石潭魚近藻沙渚雁留霜笑語無  
遺山先生集卷七

八

陽泉山莊

長路登臨豈異鄉一尊堪共醉惜不是重陽

留霜一作含霜

甲辰夏五月積雨十餘日不止遣悶二首

甲子霖霖雨巡簷悶不禁幻泡成實相水樂激哀音瘴海聞  
天漏堯年見陸沈騫飛想雲表癡坐若爲心

南史王景文傳人居貴要但問

心若爲耳

甲子霖霖雨農郊搏手空排牆室有禮爲壑竟何功戰蟻侯  
王上鳴蛙意氣中埽晴應曉夕少忍待秋風

排牆事見王衍論云排牆之壓

猶有禮也

陽泉棲雲道院

方外復方外翛然心迹清開窗納山影推枕得溪聲川路遠  
誰到石田平可耕霜林不嫌客留看錦崢嶸

劉子中夢庵

寤寐生與死幻歟爲是真如何夢中境不屬覺時人朝徹從  
渠夜形開亦此神殷勤花上蝶分我漆園春

丙午九日詠菊二首

秋菊有何好祇緣風露清花中誰比數霜後獨鮮明九日惜  
虛過一尊還自傾今年病居士吟繞更關情

几案得新供小窗幽更宜風霜寧小怯根撥要深移黃素金  
行正芳甘藥品奇三薰復三沐歲宴與君期

感事

壯事本無取老謀何所成人皆傳已死吾亦厭餘生潦倒封  
侯骨淹留混俗情百年堪一笑辛苦惜虛名

酬中條李隱君邦彥

則路限南北相逢今白頭蟲沙非故國人物自名流學道慚

遺山先生集

卷七

九

陽泉山莊

高步留詩惜暗投歸秦如有便終伴竹林游邦彥自關中徒  
步省其季父子

集寧故有  
竹林之句

送邦彥北行

比數推前輩陪從結後緣川涂卽際隔詩酒重留連白鶴歸  
華表青牛得老僊秦山好行腳倚杖待明年紫微劉文雅有  
游秦之興故篇

中有  
及

同冀文明秀山行

暮景披橫幅山閒二老同雲如愁戍苦雪亦笑詩窮古木凍  
欲折斷厓行復通從今胡谷夢時到水聲中

同姚公茂徐溝道中聯句

路轉川塗闊天低雨氣昏緜山連漢壘汾水入井門公來往  
頻鞍馬登臨負酒尊聯詩強一笑淒絕恐銷魂

壬子月夕

明月復明月今年還遠遊關河動歸興時節重離憂老眼耿  
無寐病身偏覺秋遙憐小兒女把酒望東州

庚子三月十日作

殘夢忘書帙餘寒殢酒杯青銅元懶照白紵更寬裁水際時  
獨往花邊知幾回殷勤雙語燕應自謝家來

七月十六日送馮揚善提領關中三教

爲愛秦中好西遊日苦遲青雲動高興白首得新知道在貧  
何病官閒老更宜相思詩酒社無計與追隨

京兆漕司官居三首

符節推通貴江山入勝游名園隨地改高棟與雲浮簿領歸  
閒暇鶯花接獻酬不知秋夜月何似庾公樓

遺山先生集

卷七

十

陽泉山莊

復嶺雲橫野孤峯玉柱天遙知開館日別破見山錢夢出紛  
華外詩來寂寞邊亭中誰學酒高興想悠然  
聞說梅軒好長吟有所思入簷看瘦影挂月見橫枝東閣今  
千載風流彼一時西游曾有約到日更題詩

甲寅正月二十三日故關道中三首

雪爛不得過陽坡如見留林煙常暗淡木葉自颼颼齒髮悲  
行役鶯花惜舊游塵埃與風雨看待幾時休

千里不易到三冬須少留居情猶晉產去意已離工遠出每  
爲苦雄夸還自羞君心未肯在應待何時休

六十復半十年年添白頭祇知詩遣興未覺酒忘憂人七因  
循過元宵塊坐休殷勤行記上今日是東州

送閻子實焦和之北上

秦府賢初聚瀛州路不遙謨謀在廊廟物色到漁樵布褐豈  
終隱旌車行見招春風兩黃鵠老眼看雲霄

庫城

浩浩庫城水岸高知幾尋疏林護懸險絕壁入清深跼步無  
曠迹勞歌惟苦音年年一來此老我亦何心

婁生北上

并府虛荒久大城如廢邨草茅知世故泉壤隔天閭六月甘  
霖浹一言陰理存明年佩符節知有奉春孫

遣興

几案滿書史欣然忘百憂一篇詩遣興二三醞酒扶頭千載陶  
元亮平生馬少游但留強健在老矣復何求

八月并州雁

三鄉  
時作

遺山先生集

卷七

七

陽泉山莊

八月并州雁清汾照旅羣一聲驚晚笛數點入秋雲滅沒樓  
中見哀勞枕畔聞南來還北去無計得隨君

示白誠甫

之子吟爆竹迺公欣樹萱崑山多美玉江水發初源名教有  
樂地詩書皆雅言通家吾未老倚杖望高軒

甲寅十二月四日出鎮陽寄宰魯伯

滹水曉光動灞橋詩境同衝寒騎瘦馬認影識衰翁長路風  
聲裏孤城雪意中回頭歌笑處淒淒絕意何窮

送文生西行

今夜東山月隨人知幾程從軍少年事分守故鄉情渭水風  
露早秦川煙樹平相招有僊掌無計與君行

乙卯十一月往鎮州

邨靜鳥聲樂山低雁影遙野陰時混朗冷雨只飄蕭涉遠心  
先倦衝寒酒易消紅塵忘南北渺渺見長橋

挽趙參謀二首

以下係續編

偃息參戎幕敦龐一榻寬儒宮新俎豆賓榻老衣冠戶動心  
寧轉河清笑自難殷勤題畫像留與後生看

一本留作典刑看

篇什中州選兵間僅補完風人定誰采墨本賴君刊雅道漚  
沈易幽光發越難高門有孫息玉立看儒冠

嗣侯大總管哀挽二首

北俗資財勁將軍迴不羣賓筵推雅量戰艦望奇勳運隔黃  
圖日神馳紫塞雲祇應吳季子拊樹惜徐君

倚伏難前料乘除忌早成老親如宿昔世德見哀榮劔鬱雙  
龍氣牌留九虎名感歌凡幾解千載賁佳城

遺山先生集

卷七

十三

陽泉山莊

荅七唐佐

舊山人有志道學

遭亂無安地分憂得若人鄉鄰存世譜骨肉到情親信默餘  
天粹咀嚙有道真懷哉沂水上同詠舞雩春

不寐

不寐復不寐悲吟如自讎鷄栖因失曉蟲語苦爭秋日月虛  
行橐風霜入傲裘誰憐庾開府直欲賦澆愁

送楊叔能東之相下

海內揚司戶聲名三十秋文高徒自苦食盡與誰謀老檜風  
霜飽芳蘭澗壑幽東游無可慮敬客有蕭侯

遺山先生集卷第八

元張德輝頤齋類次 平定後學張穆甫齋校梓

七言律詩

秋懷 崧山  
中作

涼葉蕭蕭散雨聲  
虛堂浙浙掩霜清  
黃華自與西風約  
白髮先從遠客生  
吟似候蟲秋更苦  
夢和寒鵲夜頻驚  
何時石嶺關頭路  
一望家山眼暫明

帝城二首 史院夜  
直作

帝城西下望孤雲  
半廢晨昏塊此身  
世俗但知從仕樂  
書生只合在家貧  
悠悠未了三千牘  
碌碌翻隨十九人  
預遣兒書報歸日  
安排雞黍約比鄰

羈懷鬱鬱歲駸駸  
擁褐南窗坐晚陰  
日月難淹京國久  
雲山遺山先生集 卷八 陽泉山莊

惟覺玉華淡鄰邨  
爛漫雞黍局野寺  
荒涼松竹林  
半夜商聲入寥廓  
北風黃鶴起歸心

僕射陂醉歸卽事

多生曾得江湖樂  
每見陂塘覺眼明  
詩酒共尋前日約  
風陰新自夜來晴  
春波澹澹沙鳥沒  
野色荒荒煙樹平  
醉踏扁舟浩歌起  
不須紅袖出重城 是日招樂  
府不至

春日

里社春盤巧欲爭  
裁紅暈碧助春情  
忽驚此日仍爲客  
卻想當年似隔生  
貧裏壘鹽憐節物  
亂來歌吹失歡聲  
南州剩有還鄉伴  
戎馬何時道路清 歐陽詹春盤賦  
裁紅暈碧巧助春情爲韻

橫波亭 爲青口  
帥賦

孤亭突兀插飛流  
氣壓元龍百尺樓  
萬里風濤接滄海  
千年

豪傑壯山正疏星澹月魚龍夜老木清霜鴻雁秋倚劍長歌  
一杯酒浮雲西北是神州

野菊座主閑閑公命作

柴桑人去已千年細菊斑斑也自圓共愛鮮明照秋色爭教  
狼藉臥疏煙荒畦斷壠新霜後瘦蝶寒螿晚景前只恐春叢  
笑遲暮題詩端爲發幽妍

度太白嶺往昆陽

斷厓絕壁裂蒼頑竟日長林窈窕開舊許煙霞歸白髮悔隨  
塵土出青山飢蠶織織催人老野鶴昂昂羨汝閒畏景方隆  
路方永南風回首暮雲還

寄希顏二首

後一首希顏在  
徐州幕時作

僵臥崧丘七見春南餘歸計一塵新悠悠華屋高賢意兀兀  
遺山先生集卷八

二

陽泉山莊

田夫野老身動色雲山如有喜忘機鷗鳥亦相親麤疏潦倒  
今如此樓上元龍莫笑人

湖海故人仍騎曹彭門千里人憑高山頭杜甫長年瘦樓上  
元龍先日豪水落魚龍失歸宿天長鴻雁獨哀勞酒船早晚  
東行辦共舉一杯持兩螯

懷益之兄

時在  
閬鄉

牢落關河雁一聲千戈滿眼若爲情三年浪走空皮骨四海  
相望只弟兄黃耳定從秋後到白頭新自夜來生西樓日日  
西州道欲賦窮愁竟不成

昆陽二首

古木荒煙集暮鴉高城落日隱悲笳井州倦客初投迹楚澤  
寒梅又過花滿眼旌旗驚世路閉門風雪羨山家忘憂只有

清尊在暫爲紅塵拂鬢華

去日黃花半未開南來忽復見寒梅淹留歲月無餘物料理  
塵埃有此杯老馬長途良憊矣白鷗春水亦悠哉商餘說有  
滄洲趣早晚乾坤入釣臺

寄西溪相禪師

青鏡流年易擲梭壯懷從此卽蹉跎門堪羅雀仍未害釜欲  
生魚當奈何萬事自知因嬾廢一官元不校貧多拂衣明日  
西溪去且放雲山入浩歌

葉縣雨中

時崧前  
早尤甚

春早連延入麥秋今朝一雨散千憂龍公有力回枯槁客子  
何心歎滯留多稼卽看連楚澤歸雲應亦到崧工兵塵浩蕩  
乾坤滿未厭明河拂地流

遺山先生集

卷八

三

陽泉山莊

寄荅趙宜之兼簡溪南詩老

窗影靡靡納暝陰風聲浩浩急霜枯秋鴻社燕飄零夢潁水  
崧山去住心黃菊有情留小飲青燈無語伴微吟故人憔悴  
蓬茅晚料得老懷如我今

潁亭

潁上風煙天地回潁亭孤賞亦悠哉春風碧水雙鷗靜落日  
青山萬馬來勝概消沈幾今昔中年登覽足悲哀遠游擬續  
騷人賦所惜恩恩無酒杯

山中寒食

小雨斑斑泥曙煙平林簇簇點晴川清明寒食連三月潁水  
崧山又一年樂事漸隨花共減歸心長與雁相先平生取有  
登臨興百感中來只慨然

楚漢戰處

同欽叔賦

虎擲龍拏不兩存當年曾此賭乾坤一時豪傑皆行陣萬古河山自壁門原野猶應厭膏血風雲長遣動神魂成名豎子知誰謂擬喚狂生與細論

懷叔能

別卻楊侯又一年西風每至輒淒然酒官未得高安上詩印空從吏部傳三沐三薰知有待一鳴一息定誰先黃塵憔悴無人識今在長安若箇邊

留別仲澤

避俗無機日見侵逐貧不去巧相尋半生與世未嘗合前日入山唯不淡綠水紅蓮慙大府清泉白石識初心相思命駕非君事能寄詩來或賞音

遺山先生集

卷八

四

陽泉山莊

鄭州上致政賈右丞相公

時被命就公訪先朝逸事

黃閣歸來履烏輕天將五福畀康寧四朝人物推耆舊萬古清風在典刑鄭圖亦能知有道漢庭久欲訪遺經帝城此後瞻依近長傍弧南候極星

寄荅景玄兄

故人相念不相忘頻著書來約對牀甚喜樵夫與爭席所憂簿吏復登堂春風和氣隨詩到洛水秦山引興長奮袖高談夜窗白幾時危坐聽琅琅

簿吏復登堂李長吉語景玄去歲大爲催利所困

寄辛老子

辛老子

草堂西望渺煙霞夢寐西南一徑斜爲羨鸞皇安積棘悔將猿鶴入京華百錢卜肆咸都市萬古詩壇子美家後日從翁問奇字可能通客待侯巴

薄雲晴日爛烘春高柳清風便可人一飽本無華屋念百年  
今見老農身童童翠蓋桑初谷澗澗蒼波麥已勻便與溪塘  
作盟約不應重遣濯纓塵

劉丈仲通哀挽

拙宦淡辜遠業期無兒更結下泉悲溫純如此豈復見報施  
言之尤可疑四葉名家今日盡百年潛德幾人知元劉文分  
平生重才薄猶堪第二碑

會善寺

白塔沈沈插翠微魏家宮闕此餘基人生富貴有遺恨世事  
廢興無了期勝概只今歸鷺嶺煙花從昔繞龍墀長松想是  
前朝物及見諸孫賦黍離

遺山先生集 卷八

寄欽用

五

陽泉山莊

顛顛京華苜蓿繁南山歸興夜漫漫長門有賦人誰買坐榻  
無檀客亦寒蟲臂偶然煩造物璧頭何者亦求官故人東望  
應相笑世路羊腸乃爾難

楊之美尙書挽章

冠蓋龍門此日空人知麟出道將窮景星明月歸天上和氣  
春風在眼中千古孫劉有餘責一時燕許更誰同受恩知己  
無從報獨爲斯文泣至公

李屏山挽章二首

世法拘人蝨處禪忽驚龍跳九天門牧之宏放見文筆白也  
風流餘酒尊落落久知難合在堂堂先有不入存中州豪傑  
今誰望擬喚巫陽起醉魂

談塵風流二十年空門名理孔門禪諸儒久已同堅白博士  
真堪補太玄孫況小疵良未害莊周陰助恐當然遺編自有  
名山在第一諸孤莫浪傳

內鄉縣齋書事

吏散公庭夜已分寸心牢落百憂薰催科無政堪書考出粟  
何人與佐軍飢鼠繞牀如欲語驚烏啼月不堪聞扁舟未得  
滄浪去慚愧春陵老使君遠祖次山春陵行云思欲委符節  
引竿自刺船故子美有興含滄浪  
清之句

自菊潭丹水還寄崧前故人

臘雪春泥晚未乾馬迎殘照入荒寒初無鳧鳥將安往正有  
牛刀恐亦難倦客不知歸路遠孤城惟覺暮山攢黃金鍊出  
相思句寄與同聲別後看

遺山先生集

卷八

六

陽泉山莊

被檄夜赴鄧州幕府

幕府文書鳥羽輕敝裘羸馬月三更未能免俗私自笑豈不  
懷歸官有程十里陂塘春鴨鬧一川桑柘晚煙平此生只合  
田間老誰遣春官識姓名

馬鄧驛中大雨

萬壑千巖一雨齊先聲噴薄捲湍湍溪投林鳥雀不暇顧移穴  
蛟龍應自迷便恐他山藏厚夜豈知高樹有晴霓兩江合向  
東南鬪坐想風雲入鼓鞮馬鄧西南兩浙  
水相合處也

除夜

一燈明暗夜如何夢寐衡門在澗阿物外煙霞玉華遠花時  
車馬洛陽多折腰真有陶潛興扣角空傳甯戚歌二十七年  
今日過可憐出處兩蹉跎

鄧州相公命賦喜雨

輕陰十日暮春前和氣朝來已沛然河潤定應連上國雲來  
端合自中天帥從洛陽移鎮烽零帶溼閒幽障麥壠分清入廢田共  
識使君霖雨手調元消息在今年

劉光甫內鄉新居

鳶冠平日凜秋霜老去聲名自閉藏父老漸來同保社兒童  
久已愛文章蔬隨隙地皆成圃竹放新梢欲過牆爲向長安  
舊遊道世間元有北窗涼

西齋夜宴

飄零無物慰天涯酒伴相逢飲倍加悞謬君當略彭澤回旋  
我亦笑長沙金釵醉彈迎春髻銀燭光搖半夜花只欠東山  
游錄事不來堅坐看紛譁叔能信之張社諸人皆在而麟之獨不至

遺山先生集卷八

十月

七

陽泉山莊

十月長年見蚤梅今年二月未全開春寒春暖花如故年去  
年來老漸催大藥誰傳軒后鼎習僊虛築漢宮臺憑君撥置  
人間事不負浮生只此杯

送吳子英之官東橋且爲解嘲

柴車歷鹿送君東萬古書生踏蹬中良醞暫留王績醉新詩  
無補玉川窮駒陰去我如決驟蟻垤與誰爭長雄快築糟工  
便歸老世間馬耳過春風

張主簿草堂賦大雨

浙樹蛙鳴告雨期忽驚銀箭四山飛長江大浪欲橫潰厚地  
高天如合圍萬里風雲開偉觀百年毛髮凜餘威長虹一出  
林光動寂歷邨墟空落暉

丹霞下院同仲澤鼎玉賦

時從商帥軍至南陽

鞍馬恩慙去復還霜鐘今得見豐山千年香火丹霞老滿眼  
興亡白水間壯志自憐消客路淡居誰得似禪關只應頻有  
西來夢夜夜青林杳靄間

春日半山亭游眺

日照春山花滿煙獨攜尊酒此江邊江流袞袞望不極世事  
悠悠私自憐小草不妨懷遠志芳蘭誰爲發幽妍千年石壁  
留詩在會有騷人一慨然

別程女

芸齋浙浙掩霜寒別酒青鐙語夜闌生女便知聊寄託中年  
尤覺感悲歡松閒小草栽培穩掌上明珠棄擲難明日緣山  
東畔路野夫懷抱若爲寬

遺山先生集

卷八

八

陽泉山莊

出山

松門石路靜無關布韞青鞋幾往還少日漫思爲世用中年  
直欲伴僧閒塵埃長路仍回首升斗微官亦強顏休道西山  
不留客數峯如畫暮雲閒

謝鄧州帥免從事之辟

憂端擾擾力難任世事駸駸日見臨三載素冠容有媿一時  
墨經果何心首正自擬終殘喘陟配誰當辨苦音遙望朱門  
涕橫落相公恩德九泉淚

新野先主廟

次鄧帥韻

一軍南北幾扶傷長坂安行氣已王豪傑盡思爲漢用江山  
初不假吳強兩朝元老心雖壯再世中興事可常寂寞永安  
宮畔土爭教安樂似山陽

石門

兩崖橫絕倚山根，草徑低迷劣可分。  
潭影乍從明處見，竹香偏向靜中聞。  
石林萬古不知暑，茅屋四鄰惟有雲。  
杖行歌羨樵叟，此生何許得隨君。

獨峯楊氏幽居

邨墟瀟灑帶新晴，落日千山一片青。  
世外衣冠存太樸，雲間雞犬亦長生。  
清江兩岸多古木，平地數峯如畫屏。  
惆悵朝陽一茅屋，酒船茶竈負生平。

渡湍水

悠悠人事眼中新，悄悄孤懷百慮紛。  
伎倆本宜閒處著，姓名誰遣世閒聞。  
秋江澹沲如素練，沙浦空明行暮雲。  
蚤晚扁舟載煙雨，移家來就野鷗羣。

遺山先生集

卷八

九

陽泉山莊

十日登豐山

十日登高發興新，豐山孤秀出塵氛。  
邨墟帶晚鴉噪合林壑，得霜煙景分芳臭。  
百年隨變滅短長，千古只紛紜詩成一嘆。  
無人會白水悠悠入暮雲。

岐陽二首

突騎連營鳥不飛，北風浩浩發陰機。  
三秦形勝無今古，千里傳聞果是非。  
偃蹇鯨鯢人海涸，分明蛇犬鐵山圍。  
窮途老阮無奇策，空望岐陽淚滿衣。

百二關河草不橫，十年戎馬暗秦京。  
岐陽西望無來信，隴水東流聞哭聲。  
野蔓有情縈戰骨，殘陽何意照空城。  
從誰細向蒼蒼問，爭遣蚩尤作五兵。

眈眈九虎護秦關，懦楚孱齊机上看。  
禹貢土田推陸海，漢家

封微盡天山北風獵獵悲笳發渭水瀟瀟戰骨寒三十六峰  
長劔在倚天僊掌惜空閒

圍城病中文學相過

擾擾長衢日往回病中聊得避喧埃愁多頓覺無詩思計拙  
惟思近酒杯潘岳鏡中渾白髮江淹門外卽蒼苔生涯若被  
旁人問但說經年鼠不來

讀靖康僉言

浚郊沙海浩茫茫河廣纔堪一葦航頭沛且當懲景德規模  
何必罪朱梁滄溟不掩蛟龍窟大地同歸雀鼠鄉三百年閒  
幾降虜長星無用出光芒

雨後丹鳳門登眺

絳闕遙天霽景開金明高樹晚風回長虹下飲海欲竭老雁

遺山先生集

卷八

十

陽泉山莊

叫羣秋更哀劫火有時歸變滅神嵩何計得飛來窮途自覺  
無多淚莫傍殘陽望吹臺

京居辛卯八月六日作

四壁秋蟲夜語低南窗孤客枕頻移野情自與軒裳隔旅食  
難堪日月遲平子歸田元有約魏舒襪被恐無期一莖白髮  
愁多少慚媿家人賦展屣

浩然師出圍城賦鶴詩爲送

夢寐西山飲鶴泉羨君歸興渺翩翩昂藏自有林壑態飲啄  
暫隨塵土綠遼海故家人幾在華亭清唳世空憐明年也作  
江鷗去水宿雲飛共一天

追用座右閑閑公韻上致政馮內翰二首

峻坂平生幾疾驅歸林甫及引年初東門太傅多祖道北闕

詩人休上書，卓櫪老歸千里驥。白雲間釣五溪魚，非熊有兆公無恙。會近君王六尺輿。

草堂人物列僊羣，萬壑松風酒一壺。少日打門無俗客，老年爭席有樵夫。巨源不入竹林選，元亮偶成蓮社圖。野史他年傳者舊，風流一一似公無。

懷秋林別業

茅屋蕭蕭浙水濱，豈知身屬洛陽塵。一家風雪何年盡，二頃田園入夢頻。高樹有巢鳩笑拙，空牆無穴鼠嫌貧。西南遙望腸堪斷，自古虛名只誤人。

壬辰十二月車駕東狩後卽事五首

翠被怱怱見執鞭，戴盆鬱鬱夢瞻天。只知河朔歸銅馬，又說臺城墮紙鳶。血肉正應皇極敷，衣冠不及廣明年。何時真得遺山先生集，卷八

攜家去萬里秋風一釣船

十一

陽泉山莊

慘澹龍蛇日鬪爭，千戈直欲盡生靈。高原水出山河改，戰地風來草木腥。精衛有冤填瀚海，包胥無淚哭秦庭。并州豪傑今誰在，莫擬分軍下井陘。

鬱鬱圍城度兩年，愁腸飢火日相煎。焦頭無客知移突，曳足何人與共船。白骨又多兵死鬼，青山元有地行僊。西南三月音書絕，落日孤雲望眼穿。

萬里荆襄入戰塵，汴州門外卽荆榛。蛟龍豈是池中物，蟣蝨空悲地上臣。喬木他年懷故國，野煙何處望行人。秋風不用吹華髮，滄海橫流要此身。

五雲宮闕露盤秋，銀漢無聲桂樹稠。復道漸看連上苑，戈船仍擬下揚州。曲中青冢傳新怨，夢裏華胥失舊遊。去去江南

庚開府鳳皇樓畔莫回頭

永寧南原秋望

浩浩西風入敝衣  
茫茫野色動清悲  
洗開塵漲雨  
纔定老盡物華秋  
不知烽火苦教鄉信斷  
府聲偏與客心期  
百年人事登臨地  
落日飛鴻一線遲

中秋雨夕

商帥國器筵中作

南樓高興在胡牀  
十日秋陰負一觴  
庾老未應妨嘯詠  
素娥多自怨昏黃  
此生此夜不長好  
行雨行雲有底忙  
卻恐哦詩太愁絕  
且燒銀燭看紅妝

癸巳四月二十九日出京

塞外初捐宴賜金  
當時南牧已駸駸  
只知灞上真兒戲  
誰謂神州遂陸沈  
沈華表鶴來應有語  
銅鞮人去亦何心  
興亡誰識

遣山先生集

卷八

十一

陽泉山莊

天公意留著青城閣  
古今

國初取宋於青城受降

喜李彥深過聊城

圍城十月鬼爲鄰  
異縣相逢白髮新  
恨我不如南去雁  
羨君獨是北歸人  
言詩匡鼎功名薄  
去國虞翻骨相屯  
老眼天公只如此  
窮途無用說悲辛

與張杜飲

故人寥落曉天星  
異縣相逢覺眼明  
世事且休論向日  
酒尊聊喜侶承平  
山公倒載羣兒笑  
焦遂高談四座驚  
轟醉春風一千日  
愁城從此不能兵

秋夕

小簾涼多睡思清  
一窗風雨送秋聲  
頻年但覺貂裘敝  
萬古何曾馬角生  
寄食且依嚴尹幕  
附書誰往鄧州城  
澆愁欲問

東家酒恨殺寒雞不有鳴  
夢歸

顛顛南冠一楚囚  
歸心江漢日東流  
青山歷歷鄉國夢  
黃葉瀟瀟風雨秋  
貧裏有詩工作祟  
亂來無淚可供愁  
殘年兄弟相逢在  
隨分齋鹽萬事休

白屋

白屋寒多愛夕曛  
靜中歸思益紛紛  
長門誰買千金賦  
祖道虛傳五鬼文  
地盡更無錐可置  
竈閒唯覺井長勤  
明年准擬萊蕪住  
寄謝東鄰范史雲

淮右

淮右城池幾處存  
宋州新事不堪論  
輔車謾欲通吳會  
突騎誰當擣薊門  
細水浮花歸別澗  
斷雲含雨入孤邨  
空餘韓偓傷時語  
留與纍臣一斷魂

遺山先生集

卷八

三

陽泉山莊

徐威卿相過留二十許日將往高唐同李輔之贈別二

首

衣冠八座文昌府  
襍被三年同舍郎  
蕩蕩青天非向日  
蕭蕭春色是他鄉  
傷時賈誼頻流涕  
臥病王章自激昂  
保社追隨有成約  
不應關塞永相望  
東南人物未彫零  
和氣春風四座傾  
但喜詩章多俊語  
豈知談笑得新名  
二年阻絕干戈地  
百死相逢骨肉情  
別後相思重回首  
杏花尊酒記聊城

卽事

逆豎終當繪縷分  
揮刀今得快三軍  
燃臍易盡嗟何及  
遺臭無窮古未聞  
京觀豈當誣程義  
衰衣自合從高勳  
秋風一掬

孤臣淚叫斷蒼梧日暮雲

望王李歸程

一褐霜寒晚思孤眼中行李覓歸途  
虞卿仲子死不朽戶父晏嬰今豈無  
義士龍沙元咫尺纍臣駒隙自舒徐  
何時斗酒歡相勞驚看燕家頭白烏

秋夜

九死餘生氣息存蕭條門巷似荒邨  
春雷謾說驚坯戶皎日何曾入覆盆  
濟水有情添別淚吳雲無夢寄歸魂  
百年世事兼身事尊酒何人與細論

甲午除夜

暗中人事忽推遷坐守寒灰望復然  
已恨太官餘麪餅爭教漢水入膠船  
神功聖德二千牘大定明昌五十年  
甲子兩周遺山先生集卷八

古

陽泉山莊

今日盡空將衰淚灑吳天

乙未正月九日立春

十度新正九處家今年癡坐轉堪嗟  
一冬殘雪不冑盡連日苦寒殊未涯  
重碧總誇燕市酒小紅誰記上林花  
殘魂零落今無幾乞與春風惱鬢華

杏花落後分韻得歸字

獼髓能醫病頰肥鸞膠無那片紅飛  
殘陽淡淡不冑下流水溶溶何處歸  
煮酒青林寒食過明妝高燭賞心違  
寫生正有徐熙在漢苑招魂果是非

一三僊祠

三僊祠下往來頻憔悴征衫滿路塵  
簫鼓未休寒食酒樵蘇時見舊都人  
吹殘芳樹紅仍在屨破平田綠已勻  
西北并州

隔千里幾時還我故鄉春

送輔之仲庸還大梁

騁驅爭道渺翩翩誰遣風塵失壯年  
四壁舊聞懸磬宅一囊  
今有賣書錢淋浪別酒青燈夜滅沒孤帆  
落照邊想得還家  
過春半故山喬木滿蒼煙

繡江汎舟有懷李郭二公

荷花如錦水如天狼藉秋香擁畫船  
長白風煙取瀟灑外臺  
賓主重留連勝遊每恨隔千里樂事便當論  
百年咫尺西州  
兩詩客不來同作飲中僊

送杜子

洛陽塵土化緇衣又見孤雲著處飛  
北渚曉晴山入座東原  
春好妓成圍來鴻去燕三年別淡谷高陵  
萬事非轟醉春風  
遺山先生集 卷八 十五 陽泉山莊  
有成約可能容易話東歸

眼中

眼中時事益紛然擁被寒窗夜不眠  
骨肉他鄉各異縣衣冠  
今日是何年枯槐聚蟻無多地秋水鳴蛙自一天  
何處青山  
隔塵土一庵吾欲送華顛

送杜招撫歸西山杜亂後爲黃冠師

少日先聲懾虎貔只今騎馬欲雞栖  
邯鄲枕上人初覺秋水  
篇中物已齊父老樵漁知有社將軍桃李自成蹊  
因君喚起  
思鄉意君在西山我更西

寄欽止李兄

征車南北轉秋蓬關塞相望兩禿翁  
袞袞便當隨世路悠悠  
難復倚天公銅駝荆棘千年後金馬衣冠一夢中  
尊酒雲州

古城下幾時攜手哭春風

有寄

飛鴻來處是營平喜向斜封見姓名千里呂安思叔夜五更  
殘月伴長庚關河秋興風景暮長路渴心塵土生南渡詩人  
吾未老幾時同醉鳳皇城

鎮州興文學百一飲

翁仲遺墟草棘秋蒼龍雙闕記神州只知終老歸唐土忽漫  
相看是楚囚日月盡隨天北轉古今誰見海西流眼中二老  
風流在一醉從教萬事休

別王使君丈從之

謝公每見皆名語白傳相看只故情尊酒風流有今夕玉堂  
人物記升平太山北斗千年在和氣春風四坐傾別後殷勤  
遺山先生集 卷八

士

陽泉山莊

更誰接只應偏憶老門生

寄汴禪師

師舊隱濟源

白頭歲月坐詩窮止有相逢一笑同齋粥空疏想君瘦冠巾  
收斂定誰公夢魂歷歷山閒路世事悠悠耳外風見說懸泉  
好薇蕨草堂知我是鄰翁

時汰逐釋老家甚急故有巾冠收斂之句

衛州感事二首

神龍失水困野游一舸倉皇入宋州紫氣已沈牛斗夜白雲  
空望帝鄉秋劫前寶地三千界夢裏瓊枝十二樓欲就長河  
問遺事悠悠東注不還流

白塔亭亭古佛祠往年曾此走京師不知江令還家日何似  
湘纍去國時離合興亡遽如此栖遲零落竟安之太行千里  
青如染落日闌干有所思

落日一作獨凭

望蘇門

諸父當年此往還  
客衣塵土淚斑斑  
太行秀發眉宇見  
老阮  
心來尊俎間  
出岫暮雲歸有處  
投林孤鶴杳難攀  
湧金亭上  
秋如畫興在青林杳靄間

遺山先生集卷第八  
遺山先生集

卷八

七

陽泉山莊

10325

